


通志略

禮畧三四

七



庫	文	閣	內
三		二	漢
函		三	書
二		三	
第	冊	號	類

庫	文	閣	內
六		二	漢
函		一	書
三		三	
架	冊	號	類

內閣文庫	
番號	漢 2213
冊數	20 (7)
函號	286 3




Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

© Kodak 2007 TM: Kodak







禮略第三

嘉禮

天子加元服

周制文王年十二而冠文王十三生伯邑考左成王

十五而冠譙周五經然否論云古文尚書武王崩成

歲出居東癸未歲反禮公冠記周公冠成王命史作

祝辭告是除喪冠也周公未反成王冠弁開金縢之

按禮傳天子之年近則十五周公冠之而後出也將冠

筮日筮賓行之於廟冠委貌於阼冠義曰三加彌尊

以著代也或曰三加彌尊士禮也四大戴禮公冠篇曰裸

享樂于廟君左傳曰晉侯問魯大夫季武子襄公年曰



行之以金石之樂節周公冠成王命史雍頌曰近於
 之以先君之祧處之民遠於耳遠於佞近於義嗇於時惠於財祿賢使能
 漢改皇帝冠為加元服惠帝加元服用正月甲子若
 丙子為吉後漢遵前制皆以正月甲子若丙子為吉
 日可加元服儀從冠禮乘輿初加緇布進賢次爵弁
 次武弁次通天冠冠訖皆於高祖廟如禮謁見和帝
 冠以正月甲子乘金根車駕六玄蚪至廟成禮乃迴
 軫反宮朝服以饗宴撞太簇之鐘咸獻壽焉順帝以
 初月丙子加元服於高廟獻帝興平元年正月甲子
 加元服司徒淳于嘉為賓加賜玄纁駟馬司隸校尉

城門五校及侍中尚書給事黃門侍郎各一人為太

子舍人魏氏天子冠一加其說曰古之士禮服必三

天子諸侯無加數之文者將以踐作臨人尊極德成

不復與士以加喻勉為義禮冠於廟自魏不復在廟

矣東晉諸帝冠儀一加幘冕將冠金石宿設百僚陪
 位又先於殿上鋪大牀御府令奉冕幘簪導袞服以
 授侍中常侍太尉加幘太保加冕太尉讀祝文曰令
 月吉日始加元服皇帝穆穆思弘袞職欽若昊天六
 合是式率遵祖考永永無極眉壽惟祺介茲景服加
 冕訖侍中繫玄紉脫帝絳紗服加袞服冠事畢太祝
 率群臣奉觴上壽王公以下三稱萬歲乃退成帝用

三元吉日既加玄服拜于太廟穆帝孝武將冠皆先以幣告廟訖事又廟見臺符問修服未畢吉凶不相干爲可加元服與不太常王彪之議禮雖有喪冠當是應冠之年服制未終若須服終便失應冠之年故也今便准喪冠闕饗樂而行事不須修服畢按晉故事及兩漢亦不必三元當任時事之宜耳後魏正光元年秋孝明帝年十一加元服訖拜太廟大赦改元北齊制皇帝加元服以玉帛告圓立方澤以幣告廟擇日臨軒皇帝著空頂介幘以出太尉盥訖升脫空頂幘以黑介幘奉加訖太尉進太保之右北面讀祝

訖太保加冕侍中繫玄統脫絳紗袍加袞服事畢太保上壽群官三稱萬歲皇帝入温室移御座而不上壽後日文武群官朝服上禮酒十二鐘米十二囊牛十二頭又擇日親拜圓立方澤謁廟唐制具開元儀

皇太子冠

皇子皇孫附

周制天子元子猶士也天下無生而貴者也

家語冠頌曰天

子之元子之冠擬諸侯之冠四加

漢宣帝冠太子以正月冠諸王遣

使行事魏氏冠太子再加皇子王公嗣子乃三

孫毓以爲

一加再加皆非禮也

冠諸王因漢遣使行事晉惠帝之爲太子

將冠武帝臨軒使兼司徒高陽王珪加冠兼光祿大

通志禮略三
夫屯騎校尉華廙贊冠泰始六年南宮王承年十五
依舊應冠有司奏議禮十五成童國君十五而生子
以明可冠之儀又漢魏遣使冠諸王非古典於是制
儀王十五而冠遂革使命咸寧二年閏九月遣使冠
汝南王東惠帝以正月丙午冠太子訖乃廟見懷帝
亦以正月冠皇太子宋冠皇太子及蕃王以一加齊
武帝孫南郡王昭業冠從尚書令王儉議使太常持
節一加冠大鴻臚爲贊醮酒之儀國官陪位拜賀如
常其日內外二品清官以上詣公車門集賀并詣東
宮南門通牋別日上禮宮臣亦詣門稱慶如上臺之

儀既冠之後尅日謁廟祝辭曰皇帝使給事中太常
武安侯蕭惠本加南郡王冠筮日戒賓肇加玄服棄
爾幼志從厥成德親賢使能克崇景福醮酒辭曰旨
酒既清嘉薦既盈兄弟具在淑慎儀刑永永眉壽於
穆斯寧明帝冠太子用正月梁武帝天監十三年正
月冠太子於太極殿修前代之儀後魏孝文帝冠皇
太子恂於廟詔曰司馬彪漢志漢帝有四加冠一緇
布二進賢三武弁四通天朕見家語冠頌篇四加冠
公也家語夫子之言與正經何異諸儒忽司馬彪志
致使天子之子而行士冠朕以爲有賓諸儒皆以爲

通志禮略三
四
無賓孔氏所云斐然成章其斯之謂矣北齊制皇太子冠則太尉以制幣告七廟擇日臨軒有司供帳於崇正殿中嚴皇太子空頂幘公服出立東階之南西面使者入立西階之南東面太子受詔訖入室盥櫛出南面使者進揖詣冠席西面坐光祿卿盥訖詣太子前跪櫛使者又盥奉進賢三梁冠至太子前東面祝脫空頂幘加冠太子興入室更衣出又南就冠席光祿卿盥櫛使者又盥祝脫三梁冠再加遠遊冠太子入室更衣設席中楹之西使者揖就席南面光祿卿洗爵酌醴使者詣席前北面祝太子拜受醴即席

坐祭之啐之奠爵降階復位西面三師三少及在位群官拜事訖又擇日會宮臣又擇日謁廟隋制皇太子將冠前一日帝齋於大興殿太子與賓贊及預從官齋於正寢其日質明有司告廟各設筵於阼帝袞冕即御座賓揖太子進升筵西向坐贊冠者坐櫛設纒賓盥訖初加緇布冠贊進設頰并癸切纓賓揖太子適東序衣玄衣素裳以出贊者又坐櫛賓進加遠遊冠改服訖賓又授冕太子適東序改服以出賓揖太子南面立賓受醴進筵前北面立祝之又太子拜受解賓復位東面答拜贊者奉饌於筵前太子祭奠

禮畢降筵進當御東面拜納言承詔詣太子戒訖太子拜贊者引太子降自西階賓少進字之贊者引太子進立於庭東面諸親拜訖贊者拜太子皆答拜與賓贊俱復位納言承詔降命令有司致禮賓贊又拜帝復降阼階下拜太子以下皆拜帝出更衣還宮太子從至闕因入見皇后而還唐貞觀五年正月有司上言皇太子將冠禮宜用二月爲吉請追兵以備儀注太宗曰今東作方興恐妨農事令改用十月太子少保蕭瑀奏稱準陰陽家用二月爲勝上曰陰陽拘忌朕所不行若動靜必依陰陽不顧禮義欲求福祐

其可得乎若所行皆遵正道自然當與吉會且吉凶在人豈假陰陽拘忌農時甚要不可斲失開元六年侍中宋璟上表曰臣伏以太常狀准東宮典記有上禮之儀謹按上禮非古從南齊後魏方始有此事而垂拱神龍更扇其道群臣斂錢獻食君上厚賜答之姑息施恩方便求利皇太子冠乃盛禮自然合有賜賚上臺東宮兩處宴會非不優厚其上禮宜停其儀具開元禮

諸侯大夫士冠

夏小正記二月冠子之時也周制繼世以立諸侯象

賢也冠禮筮日筮賓冠於阼醮於客位三加彌尊已冠而字之見於母母拜之見於兄弟兄弟拜之成人而與為晉王堪冠禮儀云永平元年惠帝時正月戊子冠中外四孫立于步廣里舍之阼階設一席于東廂引冠者以長幼次于席南東上賓宗人立于西廂東面南上堪立于東軒西南面西上陳元服于席上宗人執儀以次呼冠者各應曰諾宗人申誠之曰以歲之正以月之令兄弟具來咸加爾服棄爾幼志順爾成德克慎威儀惟民之則壽考惟祺永受景福冠者高跪而冠各自著布與再拜從立于賓南上酌四杯酒各

拜醮而飲事訖上堂向御史府君再拜訖冠者皆東面坐如常燕禮時賓宗人東平王隆叔祚王循道安王業建始此皆古禮也但以意斟酌從其簡者耳唐制具開元禮

天子納妃后 冊后附

伏羲氏制嫁娶以儼皮為禮夏氏親迎於庭殷迎於堂周制限男女之歲定婚姻之時媒氏云令男三十而娶女二十而嫁婚姻之時即親迎於戶六禮之儀始備一曰納采二曰納吉四曰納徵五曰請期六曰親迎惟納徵用束帛他皆用鴈天子聘女納徵加穀珪漢惠帝納后納采鴈璧乘馬束帛聘黃金二百斤

馬十二匹呂氏為惠帝娶魯元公主女故特優其禮平帝立王莽納女為后以固權及莽所聘杜陵氏女皆侈大其事不足為法後漢桓帝立明年有司奏太后曰春秋迎皇后于紀在塗則稱后今大將軍冀女弟應紹聖善結婚之際有命既集宜備禮幣於是悉依孝惠皇帝納后故事聘黃金二百斤納采鴈璧乘馬束帛一如舊典靈帝冊末貴人為皇后天子御章德殿軒百官陪位太尉襲使持節奉璽紱皇后北面帝南面太尉立階下東向宗正大長秋西向宗正讀冊畢皇后拜稱臣妾就位太尉授璽紱中常侍長樂太僕高鄉侯覽長跪

受璽紱奏於殿前女史以次受之至于昭儀受而長跪以帶皇后皇后伏起拜稱臣妾畢黃門鼓吹三通鳴鼓畢群臣以次出后即位大赦天下魏制天子冊后以皮馬庭實加穀珪齊王正始四年立后甄氏其儀不存晉武帝咸寧二年臨軒遣太尉賈充策立皇后楊氏因大赦賜王公已下各有差百僚上禮納悼太康八年有司奏大婚納徵用玄纁束帛加穀珪馬二駟羊鴈酒米如故尚書朱整議按魏婚故事天子以皮馬為庭實加以穀珪東晉成帝咸康二年臨軒遣使持節兼太保領軍諸葛恢兼太尉護軍孔愉六禮備物拜皇后杜氏即日入

通志卷之三
宮帝御太極殿群臣畢賀康帝建元元年納后褚氏而儀注陞者不設旄頭殿中御史奏令迎皇后依昔成恭皇后入宮御物而儀注至尊袞冕升殿旄頭不設又按昔迎成恭皇后唯作青龍旂其餘皆即御物今當臨軒遣使而五牛旂旄旄頭畢罕並出即用舊置今闕詔曰今所以正法服升太極者以謹其始故備禮也今云何闕所重而撤法物邪又恭后神主入廟先帝詔后禮宜有降不宜建五牛旗旄旄頭不設五旗則旄頭畢罕之物易具也又詔舊制旣難準且於今而備法服儀飾粗舉其兼副雜器停之穆帝永和十

年臺符問六禮版文舊稱皇帝今太后臨朝當何稱博士曹耽云公羊傳婚禮不稱主人母命諸父爲主太常王彪之云三傳異義不可全據今皇后臨朝稱制文告所達國之大典皆仰稟成命非無外事也豈婚聘獨不通乎六禮版文應稱皇太后詔符又問今太后還政不復臨朝當何稱彪之云當稱皇帝詔升平元年將納皇后何氏彪之正禮曰王者之於四海無不臣妾雖復父兄之親師友之賢皆純臣也夫崇三綱之始定乾坤之儀安有天父之尊而稱臣下之命以納伉儷安有臣下之卑而稱天父之名以行大

禮遠尋古禮於義不通按咸寧二年納悼皇后時弘
 訓太后臨天下而無命戚屬之臣為武皇父兄主婚
 之文考咸寧故事不稱父兄師友則當時華恒所上
 合於舊也謂今納后儀制一依咸寧故事從之華恒定六
 禮宜依舊唯娶婦之家三日不舉樂而咸康其告廟
 群臣賀為失禮故但依咸寧上禮不復賀
 六禮版文等皆彪之所定博士荀納云凡六禮版長
 尺二寸以應十二月博四
 寸以象四時厚八分以象八節皆真書后家答鮫脚書之
 納采問名納吉請期親
 迎皆用鴈白羊各一酒米各十二斛唯納徵用白羊
 一玄纁帛三疋絳二疋絹二百疋獸皮二枚錢二百
 萬玉璧一枚酒米各十二斛馬六匹鄭康成所謂五

鴈六禮也六禮之文皆稱皇帝咨后家稱糞土臣某
 頓首稽首再拜以答其策皇后之文曰惟升平元年
 八月皇帝使使持節兼太保侍中太宰武陵王晞冊
 命故散騎侍郎女何氏為皇后咨爾易本乾坤詩首
 關雎王化之本寔由內輔是故皇英嬪虞帝道以光
 妊姒母周胤嗣克崇皇后其祗勗厥德以肅承宗廟
 虔恭中饋盡其婦道帥導六宮作軌儀于四海皇天
 無親惟德是依可不慎歟北齊皇帝納后之禮納采
 問名納徵訖告圓丘方澤及廟是日皇帝臨軒命太
 尉為使司徒副之持節詣后行宮東向奉璽綬冊以

授中常侍皇后受冊於行殿使者與公卿以下皆拜
有司備迎禮太尉太保受詔而行主人公服迎拜於
門使者入升自賓階東面主人升自阼階西面禮物
陳於庭設席於兩楹間童子以璽書版升主人跪受
送使者拜于大門外有司先於昭陽殿兩楹間供帳
為同牢之具皇后服大嚴繡衣帶綬珮加帟音景女長
御引出升畫輪四望車女侍中負璽陪乘鹵簿如大
駕皇帝服袞冕出升御座皇后入門大鹵簿住門外
小鹵簿入到東上閣施步障降車席道以入昭陽殿
前至席位姆去帟皇后先拜後起皇帝後拜先起升

自西階詣同牢座與皇后俱座各三飲訖又各酌二
爵一盞奏禮畢后興南向立皇帝御太極殿王公以
下拜表謝又明日以榛栗棗修見皇太后於昭陽殿
擇日群臣上禮又擇日謁廟皇帝使太尉先以太牢
告而後遍見群廟唐皇帝納后卜日告天地臨軒命
太尉為使宗正卿為副並如開元禮

天子冊妃嬪夫人

周制天子后立六宮三夫人九嬪二十七世婦八十
一御女以聽天下之內治後漢獻帝建安十八年曹
操進三女憲節華為夫人聘以東帛玄纁五萬疋小

者待年於國二十年並拜貴人晉武帝泰始十年將聘三夫人九嬪有司奏禮皇后聘以穀珪無妾媵禮贄之制詔曰拜授可依魏氏故事於是臨軒使使持節兼太常拜三夫人兼御史中丞拜九嬪

皇太子納妃皇子諸王婚公主嫁附

漢制皇太子納妃奉常迎時叔孫通定禮以天子無親迎之義皇太子以奉常

也迎晉太康中有司奏太子婚納徵用玄纁束帛加璧羊馬二駟東晉太子婚納徵禮用玉璧一獸皮二漢魏之禮公主居第尚公主者來第成婚司空王朗以為不可其後乃革魏公主嫁用絹百九十疋晉故事

用絹三百疋太元中公主納徵以獸豹皮一宋文帝

元嘉十五年四月皇太子納妃六禮文與納后不異

百官上禮其月壬戌於太極殿西堂叙宴二宮隊主

副司徒侍郎以上諸二千石在都邑者並在會又詔

令小會可停伎樂時有臨川曹太妃喪明帝太始五年有司奏

按晉江左以來太子婚納徵用璧一獸皮二未詳合

用犂豹皮及熊羆皮與不若應用者為各用一為用

兩博士裴昭明按周禮納徵玄纁束帛儷皮鄭康成曰束帛

以致命兩皮庭實皮鹿皮晉納妃以虎皮二虎豹雖文禮所不用

熊羆吉祥婚典不及珪璋之美為用各異今儲皇聘

納宜准經誥兼太常丞孫詵議以爲聘幣之典損益
惟我禮稱束帛儷皮則珪璋數同璧熊羆文豹各應
用二博士虞龢議按儀禮直云玄纁束帛儷皮禮記
郊特牲云虎豹皮與玉璧非虛作也虎豹皮居然用
兩璋宜仍舊各一參議詵龢二議不異今加珪璋各
一豹熊羆皮各二以龢議爲允詔可齊武帝永明中
以婚禮奢貴勅諸王納妃上御及六宮依禮上棗栗
殿修加以香澤花粉其餘衣物皆停唯公主降嫁則
上遺舅姑北齊皇太子納妃禮皇帝遣使納采其次
問名納吉並如納采禮納徵則使司徒及尚書令爲

使備禮物而行請期則以太常宗正卿爲使如納采
親迎以太尉爲使三日妃朝皇帝於昭陽殿又朝皇
后於宣光殿擇日群臣上禮他日妃還又他日皇太
子拜閣皇太子及王聘禮納采問名納吉請期親迎
皆用羔一鴈一酒黍稷米麩各一斛納徵用玄三疋
纁二疋束帛十疋大璋一虎皮二錦綵六十疋絹二
百疋羔一羊四犢二酒黍稷米麩各十斛從車百乘
隋皇太子納妃禮皇帝臨軒使者受詔而行主人候
於廟門使者執鴈主人迎拜於大門之東使者入升
自西階立於兩楹間南面納采訖乃行問名儀事畢

主人請致禮於從者禮有幣馬其次擇日納吉又擇日以玉帛乘馬納徵又擇日告期又擇日命有司以特牲告廟冊妃皇太子將親迎皇帝臨軒醮而誡曰往迎爾相承我宗事勗帥以敬對曰謹奉詔既命羽儀而行主人几筵於廟妃服褕翟立於東房主人迎於門外西面拜皇太子答拜主人揖皇太子先入主人升立於阼階西面皇太子升進當房戶前北面跪奠鴈俛伏興拜降出妃父少進西面戒之母於西階上施衿結帨及門內施鞶申之出門妃升輅乘以几姆加幃皇太子乃馭輪三周馭者代之皇太子出大

門乘輅羽儀還宮妃三日雞鳴夙興以朝奠筭於皇帝皇帝撫之又奠筭於皇后皇后撫之席於戶牖間妃立於席西祭奠而出唐皇太子納妃禮臨軒命使行納采問名納吉納徵請期告廟臨軒醮戒親迎同牢朝見並如開元禮開元十九年四月勅於京城置禮會院屬司農寺其什物各令所司供院在崇仁坊南街建中元年十一月禮儀使顏真卿等奏郡縣主見舅姑請於禮會院過事明日早舅姑坐堂行執筭之禮其觀華燭非宜並請停障車下壻却扇等行禮之夕可以感恩至於聲樂尤須禁斷初貞觀中侍中王珪之

子尚太宗女南平公主珪請于帝乞存舅姑之義於是夫妻西向坐公主親行盥饋之禮自是公主有舅姑者皆備婦禮其後此禮陵遲故真卿建明之

公侯大夫士婚禮

周制婚禮其詳見於禮經漢平帝詔光祿大夫劉歆

等雜定婚禮四輔公卿大夫博士即吏家屬皆以禮

娶迎立輶位馬立乘小車也位馬儷駕也後漢鄭衆

百官六禮辭大略因於周制而禮物凡三十種各內

有謁文外有贊文魏制諸侯娶妃以皮馬為庭實加

以大璋王娶妃公主嫁用絹百九十疋晉太康八年

有司奏王侯婚禮玄纁束帛加璧乘馬大夫用玄纁

束帛加羊奏曰古者以皮馬庭實天子加穀珪諸侯

如故玄纁諸侯婚禮加納采告期親迎各帛五疋及納徵

馬四匹皆令夫家自備唯璋官為具足尚書朱整議按魏氏故事

王娶妃公主嫁之禮天子諸侯以皮馬為庭實天子

加以穀珪諸侯加以大璋漢高后制聘后黃金二百

斤馬十二匹聘夫人金五十斤馬四匹魏志娶妃公

主嫁之禮用絹一百九十疋晉故事用絹三百疋

北齊聘禮第一品以下至三品用玄三疋纁二疋束

帛十疋璧一四品以下豹皮二六品以下至從錦綵

四十疋二品三十疋三品二十疋四品雜絲十六疋

五品絹百四十疋二品百二十疋三品百疋六品以下至九

品二十迺降羔一羊二犢二酒黍稷稻米麩各四斛四品

犢一酒黍以下各二斛六品唐顯慶四年十月詔天

子嫁女受財三品以上之家不得過絹三百疋四品

五品不得過二百疋六品七品不得過一百疋八品

以下不得過五十疋皆充所嫁女資裝等用其夫家

不得受陪門之財李義府奏太極元年十一月左司郎中

唐紹上表曰士庶親迎之禮備諸六禮所以承宗廟

事舅姑當須昏以為期詰朝謁見往者下俚庸鄙時

有障車邀其酒食以為戲樂近日此風轉盛上及王

公乃廣奏音樂多集徒侶遮擁道路留滯淹時邀致

財物動踰萬計遂使障車禮貺過於聘財歌舞喧譁殊非助感既虧名教又蠹風猷請一切禁斷從之

臣謹按後漢之俗聘禮三十物者以玄纁羊鴈清

酒白酒粳米稷米蒲葦卷栢嘉禾長命縷膠漆五

色絲合歡鈴九子墨金錢祿得香草鳳凰含利獸

鴛鴦受福獸魚鹿烏九子婦腸燧鑽凡二十八物

又有丹為五色之榮青為東方之始共三十物皆

有俗儀不足書臣又按杜佑之議曰上古人食禽

獸之肉而衣其皮毛周氏尚文去質玄衣纁裳猶

用皮為鞞所以制婚禮納徵用玄纁儷皮充當時

之所服耳秦漢以降衣服制度與三代殊乃不合更以玄纁及皮爲禮物也又有用虎皮豹皮者王彪之云取威猛有斑彩尤臆說也人之常情非今是古不詳古今之異制禮數之從宜今時俗用五色信頗得禮之變也或曰近代所以尚循玄纁儷皮之制男女配合教化大倫示存古儀務重其禮安可捨棄有類去羊答曰玄纁及皮當時之要詳觀三代制度或浚或革不同皆貴適時並無虛事豈今百王之末畢循徃古之儀如三代制天子諸侯至庶人祭則立尸秦漢廢之又天下列國唯事

征伐志存於射建侯擇士皆主於斯秦漢以降改制郡縣戰爭旣息射藝自輕唯祀與戎國之大事今並豈要復舊制乎其朝宗覲遇行朝享禮畢諸侯皆右肉袒于廟門之東乃入門右北面立告聽事今豈須行此禮乎賓禮甚重兩楹間有反爵之坵築土爲之今會客豈須置坵乎又並安能復古道邪略舉數事其可知也易曰隨時之義其大矣哉先聖之言不可誣也

元正冬至受朝賀

漢高帝十月定秦遂爲歲首七年長樂宮成叔孫通

制諸侯群臣朝賀儀先平明謁者治禮引以次入殿
門庭中陳車騎設兵張旗幟功臣列侯諸將軍軍吏
以下陳西方東向文官丞相以下陳東方西向於是
皇帝輦出房諸侯王以下至吏六百石以次奉賀禮
畢復置法酒諸侍坐殿上者皆伏抑首尊卑以次起
上壽壽觴九行謁者言罷酒御史執法舉不如儀者
輒引去群臣莫不振肅武帝雖用夏正然每月朔朝
至於十月朔猶常享會以高祖定秦之月元年歲首
也其儀夜漏未盡七刻鐘鳴受賀及贄公侯璧二千
石羔千石六百石鴈四百石以下雉百官賀正月

疑

要注云古者朝會皆執費侯伯執珪子男執璧孤執
皮帛卿執羔大夫執鴈士執雉漢魏粗依其制正朝
大會諸侯執玉璧薦以鹿皮公卿以下所執如古
禮古者衣皮故用皮帛為幣玉以象德璧以稱事二

千石以上上殿稱萬歲舉觴御坐前司空奉羹大司

農奉飯奏食舉樂百官受賜宴饗大作樂

蔡質漢儀曰正月旦

天子幸德陽殿臨軒公卿百官各陪位朝賀百蠻朝
貢畢屬郡計吏皆覲庭燎宗室諸劉雜會萬人以上
立西面位既定上壽計吏中庭北面立太官賜酒食
西入東出御史四人執法陛下虎賁羽林孤弓撮矢
陛戟左右戎頭偏脛陪前向後左右中郎將位東南
羽林虎賁將位東北五官將位中央悉坐就賜作九
賓徹樂合利獸從西北來戲於庭極乃畢入殿前激
水化成比目魚跳躍嗽水作霧障日畢化為黃龍長
八丈出水遨遊炫耀日光又以絲繩係兩柱間相去
數丈兩倡女對舞行於繩上相逢切肩不傾又蹋局
吹三通謁者引公卿以次拜徹行出甲官在前尊官

在後其德陽殿周旋容萬餘人陛高一丈文石作壇畫屋朱梁玉陛金柱刻鏤魏文帝受禪後修洛陽宮室權都許昌宮殿狹小元日於城南立氈殿青帷以爲門設樂饗會後還洛陽依漢舊事其藩王不得朝覲明帝時有朝者皆由特恩不得爲常晉氏受命武帝更定元會儀咸寧注云先正旦一日有司各宿設夜漏未盡十刻群臣集庭燎起火上賀謁報又賀皇后還從雲龍東中華門入詣東閣下便坐漏未盡七刻百官及受贄郎官已下至計吏皆入立其次其陛衛者如臨軒儀漏未盡五刻謁者僕射大鴻臚各奏群臣就位定漏盡侍中奏外辦皇帝出

鐘鼓作百官皆拜伏太常導皇帝升御坐鐘鼓止百官起大鴻臚跪奏請朝賀掌禮郎贊皇帝延王登大鴻臚跪贊藩王臣某等奉白璧各一再拜賀太常報王悉登謁者引上殿當御坐皇帝與王再拜皇帝坐復再拜跪置璧御坐前復再拜成禮訖謁者引下殿還故位掌禮郎贊皇帝延太尉等於是公特進匈奴南單千金紫將軍當大鴻臚西中二千石千石六百石當大行令西階北面伏鴻臚跪贊太尉中二千石等奉璧皮帛羔鴈雉再拜賀太常贊皇帝延公等登掌禮郎引公至金紫將軍上殿皇帝與皆再拜皇帝

坐又再拜跪置壁皮帛御坐前復再拜成禮訖謁者引下殿還故位公置壁成禮時大行令並贊殿下中二千石以下同成禮訖以贊授贊郎郎以壁帛付諸謁者羔鴈雉付太官太樂令跪奏雅樂樂以次作乘黃令乃出車皇帝罷入百官皆坐晝漏上水六刻諸蠻夷胡客以次入皆再拜訖坐御入後三刻又出鐘鼓作謁者僕射跪奏請群臣上謁者引王公二千石上殿千石六百石停本位謁者引王詣樽酌壽酒跪授侍中侍中跪置御坐前王還自酌置位前謁者跪奏藩王臣某等奉觴再拜上千萬歲壽四廂樂作百

官再拜已飲又再拜謁者引王等還本位陞者傳就席群臣皆跪諾侍申中書令尚書令各於殿上上壽酒登歌樂升太官又行御酒御酒升階太官令跪授侍郎侍郎跪進御坐前乃行百官酒太樂令跪奏登歌三終乃降太官令跪請具御飯到階群臣皆起太官令持羹跪授司徒持飯跪授大司農尚食持案並授持節持節跪進御坐前群臣就席太樂令跪奏食舉樂太官行百官飯按遍食畢太樂令跪奏請進樂樂以次作鼓吹令又前跪奏請以次進衆妓乃召諸郡計吏前受敕戒於階下宴樂畢謁者一人跪奏請

通志卷之三
罷退鐘鼓作群臣北面再拜出然則夜漏未盡七刻
謂之晨賀晝漏上三刻更出百官奉壽酒謂之晝會
別置女樂三十人於黃帳外奏房中之歌江左多虞
不復晨賀夜漏未盡十刻開宣陽門至平旦始開殿
門晝漏上五刻皇帝乃出受賀皇太子出會者則在
三恪下王公上正且元會設白虎樽於殿庭樽蓋上
施白虎若有能獻直言者則發此樽飲酒案禮白虎
樽乃杜舉之遺式也宋因晉制升皇太子在三恪上
齊因之梁元會之禮雖有更革亦損益晉制也皇帝
服通天冠王公上壽上食既畢之後二品以上尚書

騶騎引計吏郡國各一人皆跪受詔侍中讀五條詔
計吏更應諾訖今陳便宜者聽詣白虎樽皇太子朝
則遠遊冠乘金輅鹵簿以行與會則劔履升坐天監
六年詔曰頃代以來元日朝畢次會群臣則移就西
壁下東向坐求之古義王者讌萬國唯應南面何更
居東面於是御坐南向以西方爲上皇太子以下在
北壁坐者悉西邊東向尚書令以下在南方坐者悉
東邊西向陳制先元會十日百官並習儀注令僕以
下悉公服監之設庭燎街闕城上殿前皆嚴兵百官
各設部伍而朝宮人皆於東堂隔綺疎而觀宮門旣

無籍外人但絳衣者亦得入觀是日上事人發白虎樽自餘亦多依梁禮云隋制正朝及冬至文物充庭皇帝出西房即御座皇太子鹵簿至明陽門外入賀復詣皇后殿拜賀訖還宮皇太子朝訖群官客使入就位再拜上公一人詣西階解劔升賀降階帶劔復位而拜有司奉諸州表群臣在位者又拜而出皇帝入東房有司奏行事訖乃出西房坐定群官入就位上壽訖上下俱拜皇帝舉酒上下舞蹈三稱萬歲皇太子與會則設坐於御東南西向群臣上壽畢入位解劔以升會訖先與唐開元八年十一月中書門下

奏曰伏以冬至一陽始生萬物潛動所以自古聖帝明王皆此日朝萬國觀雲物禮之大者莫逾是時其日亦祀圜丘皆令攝官行事質明既畢日出視朝國家以來更無改易緣修新格將畢其日祀圜丘還改用小冬日受朝伏請改正從之因勅自今以後冬至日受朝永爲常式至天寶三載十一月五日甲子冬至勅伏以昊天上帝義在尊嚴恭惟祀典每用冬至既於是日有事圜丘更受朝賀實深兢惕自今以後冬至宜取以次日受朝仍永爲常式

讀時令

通志禮四三
後漢制太史每歲上其年歷先立春立夏大暑立秋
立冬常讀五時令皇帝所服各隨五時之色帝升御
座尚書令以下就席位尚書三公郎中以令置按上
奉以先入就席伏讀訖賜酒一卮魏明帝景初元年
通事奏曰前後但見讀四時令至於服黃之時獨闕
太史令高堂隆以爲黃屬土也土王四季各十八日
土生於火故於火用事之末服黃三季則不其令則
隨四時不以五行爲令也是以服黃無令斯則魏代
不讀大暑
也東晉成帝咸和五年有司奏讀秋令時侍中荀奕
上議云武皇帝時光祿大夫華恒議以秋夏盛暑常

闕不讀令在春冬則不廢也夫先王所以順時讀令
者蓋後天而奉天時正時服尊嚴之所重今比熱炎
赫服章多闕請如恒議詔可六年有司奏立夏日正
服漸備祇迓天和宜讀夏令奏可宋文帝元嘉六年
讀時令三公郎中每讀皇帝臨軒百僚備位多震悚
失常儀唯孝武帝時劉勰明帝時謝縉善於其事人
主公卿並屬目稱歎北齊制立春日皇帝服通天冠
青介幘青紗袍佩蒼玉青帶青袴青鞵舄而受朝於
太極殿西廂東向尚書令等坐定三公郎中詣席跪
讀時令訖典御酌卮酒置郎中前郎中拜還席伏飲

禮成而出至立夏立秋則施御座於中楹南向立冬如春東向各以其時之色服儀並如春禮唐貞觀十一年復修四時讀令武太后聖曆元年臘月制每月一日於明堂行告朔之禮開元十六年命太常少卿韋縉每月進月令一篇是後孟月朔日御宣政殿側置一榻東西置案令韋縉坐而讀之諸司官長亦升殿列坐聽焉歲除罷之餘並具開元禮

冊拜諸王侯

後漢制拜諸王侯三公之儀百官會位定謁者引光祿勳前謁者引當拜者前當座伏殿下光祿勳前一

拜舉手曰制詔其以某為某按丁孚儀安帝策夏勤甲子制詔以大鴻臚勤為司徒曰朕承天序維稽古

建爾于位為漢輔往率舊職慎敷五教在寬允左右朕躬宣力四表保乂皇家於戲秉國之鈞旁祗厥序時亮天工可不慎歟勤其戒之此其例也讀策

書畢拜者稱臣再拜尚書郎以璽印綬付侍御史侍御史前東面立授璽印綬當受策者再拜頓首三贊謁者曰某王臣某新封某公某初謝中謁者報謹謝贊者立曰皇帝為公與皆冠謝起就位供賜禮畢罷北齊策諸王以臨軒日上水一刻吏部令史乘馬齎召版詣王第王乘高車鹵簿至東掖門止乘輅車既入至席尚書讀策訖以授王又授章綬事畢出乘輅

車入鹵簿乘高車詣闔闔門伏闕表謝報訖拜廟還第則鴻臚卿持節吏部尚書授冊侍御史授節使者受而出乘輅持節詣王第入就西階東面王入立於東階西面使者讀冊博士讀版王俛伏興進受策章綬茅土俛伏三稽首還本位謝如上儀在州鎮則使者授節冊乘輅車至州如王第諸王三公儀同尚書令五等開國太妃公主恭拜冊軸一枚長二尺以白練衣之用竹簡十二枚六枚與軸等六枚長尺二寸文出集書書皆篆字哀冊贈冊亦同諸王五等開國及鄉男恭拜以其封國所在取社壇西面土苞以白

茅內青廂中函方五寸以青塗飾封授之以爲社隋臨軒冊命三師諸王三公並陳車輅餘則不百司定列內史令讀冊訖受冊者拜受出又引次受冊者如上儀若冊開國郊社令奉茅土立於仗南西面每受冊訖授茅土焉唐之制如開元禮

三老五更

有虞氏深衣而養老夏后氏燕衣而養老商人縞衣而養老周人玄衣而養老天子父事三老兄事五更親袒割牲執醬而饋執爵而酌三公設几九卿正履祝鯁在前祝饘在後使者安車輓輪送迎至家天子

獨拜于屏其明日三老詣闕謝以其禮遇太尊故也
 後漢明帝以李躬為三老桓榮為五更安帝以魯丕
 李充為三老靈帝又以袁逢為三老賜以玉杖魏高
 貴鄉公即位幸太學命王祥為三老鄭小同為五更
 祥南面几杖以師道自居天子北面乞言祥陳明王
 聖帝君臣政化之要以訓之聞者莫不砥礪後魏孝
 文養老於明堂以尉元為三老游明根為五更帝再
 拜三老肅拜五更鄭衆云但俯下手今時擡拜是給也擡音於志反即今之揖也
 三老上公之祿五更元卿之祿後周武帝保定三年
 詔以太傅燕國公謹于謹為三老賜延年杖帝幸太學

以食之三門入門皇帝迎拜門屏之間三老答拜有
 司設三老席於中楹南向太師晉國公護升階設几
 於席三老升席南面憑几而坐大司寇楚國公寧升
 階正舄皇帝升立於斧扆之前西面有司進饌皇帝
 跪授醬豆親自袒割三老食訖皇帝又親跪授爵以
 醕有司撤訖皇帝北面立訪道三老乃起立於席後
 皇帝曰猥當天下重任自惟不才不知政治之要公
 其誨之三老答曰木受繩則正后從諫則聖自古明
 王聖主皆虚心納諫以知得失天下用安惟陛下念
 之云云三老言畢皇帝再拜受之三老答拜禮成而出

唐制仲秋吉辰皇帝親養三老五更於太學其儀具
開元禮香盞必備臣謹按五更蔡邕云五更是也更字或作更今人

皇於嫂字之更亦或作更而為媿其實一也

臣謹按鄉飲酒者王道之始也尚齒尊賢莫尚乎

此自漢歷唐未嘗廢也惟宋家以淳化中講究未

備遂爾因循近日緣明州舉行其事朝廷遂下明

州會例而頒之天下未幾而廢以明州之士不識

禮意不可以行也何哉鄉飲禮者惟儀禮詳明所

以唐太宗但錄其一卷而頒之明州之行不知本

儀禮但取禮記鄉飲義不本全經何以行事臣為

是作鄉飲禮三種書蓋本儀禮於古而參開元禮

於今復取於歷代而損益之今此篇但記前代所

行云
後漢永平二年郡縣行鄉飲酒于學校祀先聖先師
周公孔子牲以大晉武帝泰始六年十二月帝臨辟
雍行鄉飲酒之禮詔曰禮儀之廢久矣乃令復講肄
舊典賜太常絹百疋丞博士及學生牛酒咸寧三年
及惠帝元康九年復行其禮唐貞觀六年詔曰比年

通志禮略三
豐稔閭里無事乃有墮業之人不顧家產朋遊無度
酣宴是耽危身敗德咸由於此自非澄源正本何以
革茲弊俗可先錄鄉飲酒禮一卷頒於天下每年令
州縣長官親率長幼依禮行之庶乎時識廉耻人知
禮節開元十八年宣州刺史裴耀卿上疏曰州牧縣
宰所主者宣揚禮樂典校經籍所教者返古還淳上
奉君親下安鄉族外州遠郡俗習未知徒聞禮樂之
名不知禮樂之實竊見以鄉飲酒禮頒於天下比來
唯貢舉之日略用其儀閭里之間未通其事臣在州
之日率當州所管一一與父老百姓勸遵行禮奏樂

歌至白華華黍南陔由庚等章言孝子養親及物遂
性之義或有泣者則人心有感不可盡誣但以州縣
久絕雅聲不識古樂伏計大常具有樂器太常又備
和聲請令天下三五大州簡有性識人於太常調
習雅聲仍付笙竽琴瑟之類各三兩事令比州轉次
造習每年各備禮儀准令式行稍加勸獎以示風俗
其儀具開元禮

賓禮

三恪二王後

虞舜以堯子丹朱爲賓曰虞賓而不臣之夏禹封丹

通志卷之三
朱於唐舜子商均於虞皆有疆土以奉先祀服其車
服用其禮樂加之以客禮不臣也周武王克商而封
夏後於杞殷後於宋皆公爵封舜後於陳侯爵以備
三恪周得天下封夏商二王後又封舜後司几筵延
謂之恪恪恭也義取王之所恭禮
國賓于牖前左彤几王者立三恪二王之後者欲通
師法之義以其前代之後使之郊天以天子禮祭其
始祖受命之王自行正朔服色以此得通三正也魏
文帝封後漢帝協爲山陽縣公邑萬戶位在諸侯王
上奏事不稱臣受詔不拜以天子車服郊祀天地宗
廟臘如漢制都山陽濁鹿城青龍二年薨謚曰孝獻

皇帝以漢天子禮儀葬于禪陵晉武帝泰始元年十
二月遣太僕劉原告太廟封魏帝奐爲陳留王詔曰
明德昭融遠鑒天命欽象歷數用禪厥位敢咨詢故
訓恭授青土于東國永爲晉賓戴天子旌旗乘五時
副車行魏正朔郊祀天地禮樂制度皆如魏舊以承
王顯祖之禋祀又詔王上書不稱臣答報不爲詔一
如賓禮二年詔陳留王操尚謙冲每事輒表非所以
優崇之也主者諭意非大事皆使王官表上之三年
博士祭酒劉喜等議漢魏爲二王後衛公署於前代
爲二王後於大晉在三恪之數應降稱侯祭祀制度

通志禮略三
宜與五等公侯同有司奏陳留王山陽公爲二代之
後衛公備三恪之禮易稱有不速之客三人來此則
以三爲斷不及五代也東晉明帝太寧二年詔曰三
恪二王世之所重興滅繼絕政之所先禋祀不傳甚
用傷悼主者詳議立後以聞時曹勣爲嗣陳留王以
主魏祀升平元年陳留王勣表稱廢疾積年不可以
奉祭祀求放罷太學博士曹耽議勣爲祭主而無執
祭之期宜與穆子孟繫事同太常王彪之云二王之
後不宜輕廢立記傳未見有已爲君而以疾罷者孟
繫穆子是方應爲君非陳留之比孝武帝太元十二

年博士庾弘之等議陳留王前代之後遇以上賓之
禮皇太子雖國之儲副在人臣之位今班次宜在王
下宋武帝末初元年封晉恭帝爲零陵王居于秣陵
行晉正朔車旗服色一如其舊有其文而不備其禮
文帝元嘉五年散騎常侍荀伯子上疏曰伏見百官
位次陳留王在零陵王上按春秋次序諸侯宋居杞
陳之上臣以零陵王位宜在陳留王上陳留王宜降
爵爲公十一年升在三恪隋封後周靜帝爲介國公
唐武德元年五月詔曰革命創制禮樂變於三正修
廢繼絕德澤崇於二代其以莒之鄆邑奉隋帝爲鄆

公行隋正朔車旗服色一依舊章

軍禮

天子諸侯將出征類宜造禡並祭所過山川

周制天子將出征類于上帝宜于社造于禡肆師為

帝位帝位五德之帝所祭於南郊者類宜造皆祭名禡於所征之地禡師受祭也

命於祖以遷廟主載于齋車以行無遷主以幣帛皮

珪告于祖禡遂奉以出載于齋車以行每舍奠焉而

後就舍以脯醢禮神乃敢即安也受成於學過大山川則用事焉

令祝用幣反亦如之凡出必用牲幣反亦如之出征執有罪反釋奠于學以

訊馘告諸侯將出征宜社造禡及無遷主以主命並

如天子之制梁天監初陸璣定軍禮依古制類造等用

牲幣帝曰宜者請征討之宜造者稟謀於廟類者奉天

時以明伐並明不敢自專陳幣承命可也璣不能對嚴

植之又爭之於是告用牲幣反亦如之比齊天子親征

纂嚴則服通天冠文物充庭有司奏更衣乃入冠武弁

左貂附蟬以出誓訖擇日備法駕乘木輅以造于廟載

遷廟主於齋車以俟行次宜于社有司以毛血釁軍鼓

載帝社祏主於車以俟行次擇日陳六軍備大駕類于

上帝次擇日祈后土神州嶽鎮海瀆川源等乃為坎盟

督將列牲於坎南北首有司於坎前讀盟文割牲耳承

通志禮略三
血皇帝受牲耳徧授大將乃置于坎又飲血飲徧又以
置坎禮畢埋牲及盟書又卜日建牙旗於壇祭以太牢
及所過名山大川使有司致祭將屆戰所卜剛日備玄牲
列軍容設柴於辰地爲禪而禡祭大司馬奠矢有司奠
毛血樂奏大濩之音禮畢徹牲柴燎戰前一日皇帝禱祖
司空禱社戰勝則各報以太牢又用太牢賞用命于祖
引功臣入旌門即神庭而授版焉又罰不用命于社即
神庭行戮訖振旅而還格廟詣社訖擇日行飲至之禮
文物充庭有司執簡紀年號月朔陳六師凱入格廟之
事飲至策勲之美用述其功不替賞典焉隋制天子行

幸有司祭所過嶽瀆以太牢山川以少牢若親征及
巡狩則類上帝宜造社廟還禮亦如之唐制車駕行
幸及親征有司類宜造禡如開元禮

輶祭

周制天子將出師太馭掌馭玉輅以祀及犯輶王自

左馭馭下祝登受轡犯輶遂驅之

行山曰輶犯之者封土爲山象以善

崩棘栢爲神主既祭之以

車輶之而去喻無險難也後周迎太白出國門而輶

祭隋制皇帝行幸親巡狩則輶祭其禮有司於國門
外委土爲山象設埋埕有司剗羊陳俎豆駕將至委
奠幣薦脯加羊饌埋於埕駕至大僕祭兩軹及軌乃

飲授爵遂轆較上而行唐車駕親征如開元禮

田獵

周制天子諸侯無事則歲行蒐苗獮狩之禮漢晉以來有閱兵之制而史闕田獵之儀宋元嘉二十五年二月大蒐于宣武場其法置行軍殿於幕府山南岡并設王公百官幕先獵一日遣馬騎布圍右領軍將軍督右左領軍將軍督左大司馬董正諸軍獵日侍中三奏一奏搥一鼓爲一嚴三嚴訖引杖爲小駕鹵簿皇帝乘馬戎服從者悉絳衫幘黃麾警蹕鼓吹如常儀獵訖宴會享勞比較多少戮一人以懲亂法會

畢還宮梁陳因之北齊春蒐禮有司規大防建獲旗以表獲車前一日命布圍領軍將軍一人督左甄護軍將軍一人督右甄大司馬一人居中節制諸軍天子陳小駕服通天冠乘木輅詣行宮將親禽服戎服鈹戟者皆嚴武衛張甄圍旗鼓相望銜枚而進甄常開一方以令三驅圍合吏奔騎令曰鳥獸之肉不登於俎者不射皮革齒牙骨角毛羽不登於器者不射甄合大司馬鳴鼓促圍衆軍鼓譟鳴角至期處而止大司馬屯北旌門二甄帥屯左右旌門天子乘馬從南旌門外親射禽謁者以獲車收禽載還陳於獲旗

通志卷之三
之北王公以下以次射禽皆送旗下事畢大司馬鳴鼓解圍復屯殿中郎中率其屬收禽以實獲車天子還行宮命有司每禽擇取三十一曰乾豆二曰賓客三曰充君之庖其餘即於園下量犒將士禮畢改服釵者韜刃而還夏苗秋獮冬狩禮皆同後周仲春教振旅大司馬建大麾於萊田之所鄉稍之官以旗物鼓鐸鉦鐃各帥其人而致誅其後至者建麾於後表之軍中集衆庶質明偃麾誅其不及者乃陳徒騎如戰之陣大司馬北面誓之軍中皆聽鼓角以爲進止之節田之日於萊之北建旗爲和門諸將帥徒騎序

入其門有司居門以平其人既入而分其地險野則徒前而騎後易野則騎前而徒後既陣皆坐乃設驅逆騎有司表禡於陣前以太牢祭黃帝於待地爲壇建二旗列五兵於坐側行三獻禮遂蒐田致禽以祭社仲夏教芟舍遂苗田仲秋練兵遂獮田仲冬大閱遂狩田其致禽杓祀享烝教習之儀並如古周法隋大業三年煬帝在榆林突厥啓民及西域東胡君長並來朝貢帝欲示以甲兵之盛乃命有司陳冬狩之禮詔虞部量拔延山南北周二百里並立表記唐高祖武德五年十二月幸涇陽之華池校獵謂群臣曰

今日畋樂乎諫議大夫蘇世長進曰陛下遊獵薄廢
萬機不滿十旬未爲大樂高祖色變既而笑曰狂態
發邪世長曰爲臣私計即狂爲陛下國計即忠貞觀
十六年十二月狩于驪山時陰寒晦冥圍兵斷絕上
乘高遙見之欲捨其罰恐虧軍令乃迴轡入谷以避
之永徽元年冬出獵在路遇雨因問諫議大夫谷那
律曰雨衣若爲得不漏對曰能以瓦爲之必不漏矣
上大悅因此不復出獵先天元年十一月獵於驪山
之下開元三年十月大蒐于岐州鳳泉場屬夜雪天
寒其圍兵並放散各賜布一端綿一屯蒐狩之制具

開元禮重五六華蓋高十丈東出爲小獸獵數次
漢興設南北軍之備外命天下郡國選能引彊蹶張
材力武猛者以爲輕車騎士材官樓船常以立秋後
郊禮畢斬牲於東門以薦陵廟肆孫吳兵法六十四
陣每月都課試金革騎士各有員數如有寇警平
地用車騎山阻用材官水泉用樓船孝文納晁錯之
策以爲軍之勝負定於內有事則可以應於外頗祖
周司馬法齊寓政之制管子寓軍令徙人於邊以起軍伍
元帝用貢禹議始罷角觝戲後漢初立秋之日自郊

禮畢始揚威武斬牲於郊東門以薦陵廟其儀乘輿
御戎輅白馬朱鬣躬執弩射牲太宰令謁者各一人
載以獲車馳駟送陵廟還宮遣使者齎束帛以賜武
官武官肄兵習戰陣之儀斬牲之禮名曰驅劉兵官
皆肄孫吳兵法六十四陣既還公卿以下陣雒陽前
街乘輿到公卿已下拜天子下車公卿親識顏色然
後還宮古語曰在車下車則唯靈帝中平五年以天
下黃巾賊起大發四方兵講武耀兵於平樂觀以小
黃門蹇碩爲上軍校尉凡八校尉皆統於碩起大壇
上十二重五采華蓋高十丈壇東北爲小壇復建九

重華蓋高九丈列步騎兵士數萬人結營爲陣天子
親出臨軍駐大華蓋下大將軍何進駐小華蓋下禮
畢帝躬擐甲介馬稱無上將軍行陣三匝還獻帝建
安二十一年有司奏古四時講武按漢西京承制三
時不講唯十月都試金華今兵戈未偃士衆素習可
無四時講武但以立秋擇吉日大朝車騎號曰閱兵
上合禮名下承漢制是冬閱兵魏王曹操親執金鼓
以令進退延康元年曹丕嗣魏王其年秋閱兵于郊
公卿相儀王御華蓋親執金鼓之節魏明帝太和二
年十月閱兵於東郊晉武帝泰始四年九月咸寧元

年太康四年六年冬皆自臨宣武大閱衆軍然不自
 令進退自惠帝以後其禮遂廢東晉太興元年詔左
 右衛及諸營教習依大習儀作鴈羽仗成帝咸平中
 詔內外諸軍戲兵於南郊之場較其地因名閱場晉志
 作自後藩鎮桓庾諸方伯往往閱習然朝廷無事焉
 宋文帝依故事肄習衆軍兼用漢魏之禮其後以時
 講武於講武堂後魏明元帝永興五年以九月十月
 之交親行驅劉之禮文成帝和平三年因歲除大儺
 遂耀兵示武更爲制令步兵陳於南騎士陳於北各
 擊鐘鼓以爲節度其步兵所衣青赤黑黃別爲部隊

楯稍矛戟相次周迴轉易以相赴就有飛龍騰蛇之
 變爲函箱魚鱗四門之陣凡十餘法跪起前却莫不
 應節陣畢南北二軍皆鳴鼓角衆盡大譟各令騎將
 六千人去來挑戰步兵更進退以相拒擊南敗北捷
 以爲威觀自後以爲常北齊常以季秋皇帝講武於
 都外有司先芟萊野爲場作二軍進止之節輿駕停
 觀遂命將教衆爲戰場之法凡爲陣少者在前長者
 在後其還則長者在前少者在後長者持弓矢短者
 持旌旗勇者持鉦鼓刀楯爲前行戰士持槊者次之
 弓箭爲後行將帥先教士目使習見旌旗指麾之蹤

發起之意旗卧則跪次教士耳使習聽金鼓動止之
 節聲鼓則進鳴金則止次教士心使知刑罰之苦賞
 賜之利次教士手使習持五兵之便戰鬪之備次教
 士足使習跪起及行列嶮泥之塗前五日皆請兵嚴
 於場所依方色建旗為和門都墀之中及四角建五
 綵牙旗應講武者各集於其軍戒鼓一通軍士皆嚴
 備二通將士擐甲三通步軍各為直陣以相俟大將
 各處軍中立旗鼓下有司陳小駕鹵簿皇帝武弁乘
 革輅大司馬介冑乘馬奉引入行殿百司陪列位定
 二軍迭為客主先舉為客後舉為主從五行相勝法

為陣以應之唐顯慶二年十一月講武於渚水之南

行三驅之禮上設次於尚書臺以觀之

時許州長史封道弘奏言

後漢南郡太守馬融講尚書於此因以為名今請改為講武臺從之

五年三月八日又

講武於并州城北上御飛閣群臣臨觀之左衛大將
 軍張延師為左軍左右驍武等六衛左羽林騎士屬
 焉左武侯大將軍梁建方為右軍左右威領武侯等
 六衛右羽林騎士屬焉一鼓而誓眾再鼓而整列三
 鼓而交前左為曲直圓銳之陣右為方銳直圓之陣
 三挑而五變步退而騎進五合而各復位許敬宗奏
 曰延師整而堅建方敢而銳皆良將也土曰講閱者

安不忘危之道也梁朝衣冠甚盛人物亦多侯景以數千人渡江一朝瓦解武不可黷人不可棄此之謂也武太后聖曆二年欲以季冬講武有司延入孟春時王方慶上疏曰孟春之月不可講兵者兵金也金性刻木春盛德在木孟春行冬令則水潦為敗雪霜大摯首種不入請至明年孟冬教習以順天道從之開元元年十月十二日講武於驪山之下調兵二十萬戈鋌金甲照耀天地列大陣於長川坐作進退以金鼓之聲節之明皇親擐戎服持大鎗立於陣前兵部尚書郭元振以虧失軍容坐于燾下將斬之宰臣

劉幽求張說跪于馬前諫曰元振翊戴上皇有大功於國雖違軍令不可加刑伏願寬宥乃捨之配流新州給事中知禮儀唐紹以草軍儀有失斬之薛訥為左軍節度眾以元帥及禮官得罪諸節部頗亦失序唯訥及解琬軍不動上令輕騎召訥等至軍門不得入禮畢特加慰勞

命將出征

漢高帝初為漢王都漢中將還定三秦擇良日齋戒設壇場具禮拜韓信為大將軍部署諸將東出陳倉收秦地魏故事遣將出征符節即授節鉞跪而推轂

通志禮略三
北齊命將出征則太卜詣廟灼龜授鼓旗於廟皇帝
陳法駕服袞冕至廟拜於太祖徧告訖降就中階引
上將操鉞授柯曰從上至天將軍制之又操斧授柯
曰從下至泉將軍制之將軍既授斧鉞對曰國不可
從外理軍不可從中制臣既受命有鼓旗斧鉞之威
願假一言之命於臣帝曰苟利社稷將軍裁之將軍
就車載斧鉞而出皇帝推轂度闔曰從此以外將軍
制之後周制大將出征遣太祝以羊一祭所過名山
大川明帝武成元年吐谷渾寇邊帝戎服乘馬遣大
司馬賀蘭祥討之告於太祖之廟司憲奉鉞進授大

將大將拜受以授從者禮畢出受甲兵隋制皇太子
親戎及將軍出師則以猓肫一釁鼓皆告社廟授斧
鉞訖不得反宿於家開皇八年晉王廣將伐陳內史
令李德林攝太尉告于太廟禮畢又命有司宜于社
二十年太尉晉王廣又北伐突厥次河上禡祭軒轅
黃帝以太牢制幣陳甲兵行三獻之禮唐之制如開
元禮

宣露布

後魏每攻戰尅捷欲天下聞知乃書帛建於漆竿上
名爲露布自此始也其後相因施行隋文帝開皇中

通志禮略三
詔太常卿牛弘撰宣露布禮及九年平陳元帥晉王
以驛上露布兵部奏請依新禮集百官四方客使等
並赴廣陽門外服朝衣各依其列內史令稱有詔在
位者皆拜宣訖蹈舞者三又拜而罷唐每平蕩寇賊
宣露布其日守宮量設群官次露布至兵部侍郎奉
以奏聞仍集文武群官客使於東朝堂中書令宣布
具如開元禮

· 大射鄉射

周制天子之大射天官司裘供虎侯熊侯豹侯設其
鵠夏官射人以射法治射儀王以六耦射三侯三獲

三容樂以騶虞九節五正諸侯以四耦射二侯二獲
二容樂以貍首七節三正孤卿大夫以三耦射一侯
一獲一容樂以采蘋五節二正士以三耦射豨侯一
獲一容樂以采芣五節二正若王大射則以貍步張
三侯鄉射之禮地官鄉大夫各掌其鄉之政正月之
吉受法于司徒退而以鄉射之禮五物詢其衆庶一
曰和二曰容三曰主皮四曰和容五曰與舞漢宣帝
甘露三年三月黃門侍郎臨失其姓奏經曰鄉射合樂
大射不何也韋玄成曰鄉射所以合樂者鄉人本無
樂故合樂歲時所以合和百姓以同其意也至諸侯

當有樂傳曰諸侯不釋懸明用無時也故不云合樂
 晉咸康五年春征西庾亮行鄉射之禮依古周制親
 執其事洋洋然有洙泗之風宋武帝為宋公在彭城
 九月九日出項羽戲馬臺射其後相承以為舊準北
 齊三月三日皇帝常服乘輿詣射所升堂即座皇太
 子及群官坐定登歌進酒行爵皇帝入便殿更衣以
 出驛駟令進御馬有司進弓矢皇帝射訖還御座射
 懸侯又畢群官乃射五埒一品三十發一發調馬十
射上三發射麇三發三品二十五發一發調馬五發
射帖三發射獸頭四品二十發一發調馬五發射上
三發射麇三發射獸頭四品二十發八發射上二發射麇

二發射帖一發調馬四發射下五發
發射獸頭五品十五發射上二發射麇二發射帖
獸頭侍官御仗以上十發射一發調馬四發射上季秋大
 射皇帝御七寶輦射七埒正三品已上第一埒一品
 五十發一發調馬十五發射下二十五發射獸頭二品三
 品四十五發一發調馬十五發射下二十二發射從
 三品四品第二埒三品四十二發射一發調馬十二發
射上二發射麇二發四品三十七發射一發調馬十一發
射帖三發射獸頭五品第三埒三十二發射一發調馬
帖三發射獸頭六品第四埒二十七發射一發調馬
二發射帖上七品第五埒二十一發射一發調馬
一發射麇一發射帖

六發射下十二發射八品第六埒十六發一發調馬

上餘與六品同也九發射上九品第七埒十發一發調馬三發射下四

餘同七品大將太尉公射司馬各一人錄事二人七埒各置埒

將射正參軍各一人埒士四人威儀一人乘白馬以

導的別參軍一人懸侯下府參軍一人又各置令史

將士等員以司其事唐之制皇帝射于射宮則張熊

侯觀于射宮則張麋侯皆去殿九十步太樂令設宮

懸之樂鼓吹令設十二案於殿之庭若遊宴射則不

陳樂懸三月三日九月九日賜百僚射自貞觀至麟

月之射行九月之射其禮遂至景雲二年諫議大開

夫源乾曜上表請行射禮直至先天元年二年

元八年九月賜百官九日射給事中許景先駁奏曰

近三九之辰頻賜宴射以著格令猶降綸言但古制

雖在禮章多闕官員累倍帑藏未充水旱相仍繼之

師旅旣不以觀德又未足威邊耗國損民且為不急

夫古天子以射選諸侯以射飾禮樂以射觀容志故

有騶虞狸首之奏采蘋采芣之樂天子則以備官為

節諸侯以時會為節卿大夫以循法為節士以不失

職為節皆審志固行德美事成陰陽克和暴亂不作

故諸侯貢士亦試於射宮容體有虧則黜其地是以

諸侯君臣皆盡志於射射之禮也其大矣哉今則不

通志禮略三
然衆官既多鳴鏑亂下以苟獲爲利以偶中爲能素
無五善之容頗失三侯之禮凡令一箭偶中是費一
丁租調用之既無惻隱獲之固無慙色疏奏罷之至
二十二年八月勅下大射展禮先王創儀雖沿革或
殊而遵習無曠往有陳奏遂從廢寢永鑒大典無忘
舊章將射侯以觀德豈愛羊而去禮緬惟古訓罔不
率由自我而闕何以示後其三元射禮即宜依舊遵
行以今年九月九日賜於安福樓下自此以後其射
其禮又息侯儀具開元禮

臣謹按貞觀元年太宗謂蕭瑀曰朕少好弓矢自

謂能盡其妙近得良弓十數以示弓工乃曰皆非
良材也朕問其故曰木心不正則脉理皆邪弓雖
剛勁而遣箭不直非良弓也朕始悟焉朕以弧矢
定天下四方用弓多矣而有天下之日淺得爲治
之意固未及乎弓弓猶失之何況于治自是遂延
耆老問以政術

合朔伐鼓

夏書曰乃季秋月朔辰弗集于房瞽奏鼓嗇夫馳庶
人走周制日有蝕之天子不舉樂素服置五麾陳五
鼓五兵及救日之弓矢又以朱絲繫社而伐鼓責之

通志禮略三
漢制天子救日蝕素服避正殿陳五鼓五兵以朱絲
縈社內外嚴警太史登靈臺候日月有變便伐鼓祝
史陳辭以責之聞鼓音侍臣皆著赤幘帶劔入侍三
臺令史以上皆持劔立其戶前衛尉驅馳繞宮伺察
守備日復常皆罷後漢建安中將元會而太史上言
正朝當日蝕朝臣議應會不共容尚書令荀彧時博
平計吏劉邵在坐曰梓慎禪竈古之良史猶占水火
錯失天時禮諸侯旅見天子入門不得終禮者四日
蝕在一然則聖人垂制不爲變異預廢朝禮或災消
異伏或推術謬誤也時尚書令荀彧及衆人咸善而

從之遂朝如舊日亦不蝕邵由此著名晉武帝咸寧
三年四年並以正朝合朔却元會東晉元帝大興元
年四月合朔有司奏議按春秋日有蝕之天子伐鼓
于社攻諸陰也諸侯伐鼓於朝臣自攻也按尚書符
若日有變便擊鼓於諸門有違舊典詔曰所陳有正
義輒勅外改之至康帝建元元年太史上元日合朔
後復疑應却會與不庾冰輔政寫劉邵議以示八座
蔡謨著議非之曰邵論災消異伏又以竈慎猶有錯
失太史上言亦不必審其理誠然也而云聖人垂制
不爲變異先廢朝禮此則謬矣災祥之發所以謹告

通志卷之三
入君王者之所重誠故素服廢樂退避正寢百官降
物用幣伐鼓躬親救之夫警誡之事與其疑而廢之
寧慎而行之禮記云諸侯入門不得終禮者謂日官
不先言諸侯既入見蝕乃知耳非先聞當蝕而朝會
不廢也邵引此文失其義旨於是衆議從之穆帝永
和中殷浩輔政又欲從劉邵議不即會王彪之曰禮
云諸侯旅見天子不得終禮而廢者四自謂卒暴有
之非謂先存其事而僥倖史官推術錯謬故不預廢
朝禮又從彪之議宋因晉制齊武帝永明元年十二
月有司奏今月三日臘祠太社稷一日合朔日蝕既

在致齋內未審於社祠無疑不尚書令王儉議禮記
曾子問天子嘗禘郊社五祀之祭簠簋既陳唯大喪
乃廢至於當祭之日火及日蝕則停尋伐鼓用牲由
來尚矣而簠簋初陳問所不及據此而言致齋初日
乃值薄蝕則不廢祭按漢初平中博士孫瑞議以日
蝕廢冠而不廢郊朝議從之王者父天親地郊社不
殊此則前准謂不宜廢詔可北齊制日蝕則太極殿
西廂東向東堂東廂西向各設御座群官公服晝漏
上水一刻內外皆嚴三門者閉中門單門者掩之蝕
前三刻皇帝服通天冠即御座直衛如常不省事有

變聞鼓音則避正殿就東堂服白袷單衣侍臣皆赤
幘帶劔升殿侍諸司各於其所赤幘持劔出戶向日
立有司各率官屬並行宮內諸門掖門屯衛太社鄴
令以官屬圍社守四門以朱絲繩繞繫社壇三匝太
祝令陳辭責社太史令二人走馬露版上尚書門司
疾上之又告清都尹鳴鼓如嚴鼓法日光復乃止奏
解嚴唐合朔伐鼓具開元禮

祭馬祖

周制春祭馬祖夏祭先牧秋祭馬社冬祭馬步隋制
常以仲春用少牢祭馬祖於大澤諸合祭官皆於祭

所致齊一日積柴於燎壇禮畢就燎仲夏祭先牧仲
秋祭馬社仲冬祭馬步並於大澤皆以剛日牲用少
牢如祭馬祖埋而不燎唐馬祭因隋之制其儀如開
元禮

時儺

周制夏官方相氏掌蒙熊皮黃金四目玄衣朱裳執
戈揚盾帥百隸而時儺以索室毆疫月令季春命國
儺九門磔禳以畢春氣仲秋天子乃儺以達秋氣季
冬命有司大儺旁磔以送寒氣後漢季冬先臘一日
大儺謂之逐疫

漢舊儀曰顓帝有三子生而亡去為
疫鬼一居江水為虎一居若水為罔

兩蜮鬼一居人宮室區隅溷度善驚人小兒月令章句曰日行北方之宿北方大陰恐為所抑故命有司作大難所以扶陽抑陰也盧植禮記注云所以逐衰而迎新其儀選中黃門子弟

年十歲以上十二以下百二十人為侂子皆赤幘阜

製執大鼗振音方相氏黃金四目蒙熊皮玄衣朱裳

執戈揚盾十二獸有衣毛角中黃門行之冗從僕射

將之以逐惡鬼于禁中夜漏上水朝臣會侍中尚書

御史謁者虎賁羽林郎將執事皆赤幘陞衛乘輿御

前殿黃門令奏曰侂子備請逐疫於是中黃門倡侂

子和曰甲作食凶腴胃食虎雄伯食魅騰簡食不祥

攬諸食咎伯奇食夢彊梁祖明共食磔死寄生委隨

食觀錯斷食巨窮奇騰根共食蠱凡使十二神追惡

凶赫汝軀拉汝幹節解汝肉抽汝肺腸汝不急去後

者為糧東京賦曰捐臆魅斬獮狂斬委蛇腦方良囚耕父於清冷溺女魃於神潢踐夔魃與罔象

瘡野仲而穢遊光注曰魃魅山澤之神獮狂惡鬼委蛇大如車轂方良草澤神耕父女魃皆旱鬼惡水故

囚溺於水中使不能為害夔魃與罔象木石之怪野仲遊光兄弟八人在人間作怪害也孔子曰木石之

怪夔罔兩水之怪龍罔象劉昭曰木石山怪也夔一足越人謂山獮罔兩山精好學人聲而迷惑人龍神

物也非所常見故曰獮罔象食人因作方相與十二

獸舞謹呼周徧前後省三過持炬火送疫出端門京東

賦曰煌火馳而星流逐赤疫於四裔注曰煌火光煌

如星馳逐驚走赤疫鬼惡者也侂子合三行從東序上下門外騶騎傳炬出宮司馬闕門門外五營騎士

傳火棄雒水中東京賦注曰衛士千人在端門外五營千騎在衛士外為三部更送至雒

水中凡三輩逐一鬼投雒水中仍上天池絕其橋梁使不復度還百官官府各以木

面獸能為儼人師訖設桃梗鬱壘蒿茭畢執事陞者

罷山海經曰東海中有度朔山上有大桃根蟠屈三千里其甲枝門曰東北鬼門萬鬼出入也上有二

神人一曰神荼一曰鬱壘主閱領衆鬼之惡害人也執以蒿索而用食虎於是黃帝法而象之毆除畢因

立桃梗於門戶上畫鬱壘持蒿蒿戟桃杖以賜公卿索以御凶鬼畫虎於門當食鬼

將軍諸侯云是月也立土牛六頭於國都郡縣城外

丑地以送大寒月令章句曰是月之會建丑丑為牛寒將極是故出其物類形象以示送

達之且以升陽也北齊制季冬晦選樂人子弟為侏子如漢

法合二百四十人百二十人赤幘皂衣執鼗百二十

人赤布袴褶執鞞角方相氏執戈揚盾又作窮奇祖

明等十二獸皆有毛角鼓吹令率之中黃門行之冗

從僕射將之以逐惡鬼于禁中其日戊夜三唱開諸

里門儼者各集被服器仗以待事戊夜四唱開諸城

門二衛皆嚴上水一刻皇帝常服即御座王公執事

官一品以下六品以上陪列觀儼者鼓譟入殿西門

徧於禁內分出二上閣作方相與十二人舞戲喧呼

周徧前後鼓譟出殿南門分為六道出於郭外隋制

季春晦儼磔牲於宮門及城四門以禳陰氣秋分前

一日禳陽氣季冬旁磔犬儼亦如之其牲每門各用

抵羊及雄雞一選侂子如北齊法令八隊二時儼則
四隊問事十二人赤幘禱衣執皮鞭工人二十人其
一人方相氏如周禮一人為唱師著皮衣執捧鼓角
各十人有司預備雄雞羝羊及酒於宮門為次未明
呼鼓譟以入方相氏執戈揚盾周呼鼓譟而出合趣
明陽門分詣諸城門將出諸祝師執事與鬻牲胷磔
之於門酌酒禳祝舉牲并酒埋之唐制季冬大儼及
州縣儼禮並如開元禮

禮略第三

禮略第四

凶禮

大喪及山陵制

并為周以下親哭及不親事附

周制始崩太僕戒鼓傳達于四方內宗掌序哭者外
宗叙外內朝暮哭者世婦掌比外內命婦之朝暮哭
不敬者而呵罰之小宗伯縣纓冠之式于路門之外
太僕掌縣喪首服之法于宮門
首服之法謂免髮笄總廣狹長短之數
三日祝先服五日官長服
官長大夫士七日國中男女服
庶人三月天下服
諸侯大夫也宮正掌授廬舍辨其親疎貴
賤之居廬倚廬也舍聖室也親者居聖室賤者居廬漢舊儀曰高帝

崩三日小斂室中牖下作栗木主長八寸前方後圓
圍一尺置牖中望外內張絲絮以鄣外以皓木大如
指長三尺四枚纏以皓皮四方置牖中主居其中央
七日大斂棺以黍飯羊舌祭之牖中已葬收主為木
函藏廟太室中西牆壁堦中帝初登遐朝臣稱曰大
行皇帝風俗通云俗說易稱四海為家雖都二京巡
有方嶽又曰行在所由以行為辭天命有終往而不
返故曰大行天子新崩梓宮在殯太子已即位存亡
有別不可但稱皇帝未及定謚故曰大行皇帝宮車
晏駕周康王一朝晏起詩人深刺如今崩殯則為晏

駕其喪葬儀無聞文帝遺詔其令天下吏民令到出
臨三日皆釋除無禁取婦嫁女祠祀飲酒食肉自當
給喪事服臨者皆無踐經帶無過三寸無布車及兵
器無發民哭臨宮殿中霸陵山川因其故無有所改
歸夫人以下至少使中尉亞夫為車騎將軍屬國悍
為將屯將軍郎中令張武為復土將軍師古曰穿壙
出土下棺也
已而置土為壙故云復土發近縣卒萬六千人發內史卒萬三千
人藏郭穿復土屬將軍武即張武賜諸侯王已下至孝
梯力田金帛各有差每天子即位明年將作大匠營
陵地用地七頃方中用地一頃深十三丈堂壇高三

丈墳高十二丈武帝墳高二十丈明中高一丈七尺
 四周二丈內梓棺柏黃腸題湊以次百官藏畢其設
 四通羨門容大車六馬皆藏之內方外陟車石外方
 立先閉劔戶戶設夜龍莫耶劔伏弩設伏火已營陵
 餘地為西園后陵餘地為婕妤以下次賜親屬功臣
 題頭也湊以頭向內所以為固也後漢制皇帝不豫太醫令丞將醫
 入就進所宜藥掌藥監近臣中常侍小黃門皆先嘗
 藥過量十二公卿朝臣問起居無間太尉告請南郊
 司徒司空告請宗廟告五嶽四瀆群祀並禱求福登
 遐皇后詔三公典喪事百官皆衣白單衣白幘不冠

閉城門宮門近臣中黃門持兵虎賁羽林中署皆嚴
 宿衛宮府各警北軍五校繞宮屯兵黃門令尚書御
 史謁者晝夜行陳三公啓手足色膚如禮皇后皇太
 子皇子哭踊如禮沐浴如禮守宮令兼東園匠將女
 執事黃繇緹繒金縷玉柙如故事漢舊儀曰帝崩哈
二重以玉為柙如鎧狀連縫之以黃金為縷署以下
以玉為札長一尺廣二寸半為柙下至足亦縫以黃
金縷請諸衣衾歛之凡乘輿飯哈珠如禮天子飯以
衣服已御藏之崩皆以歛
 盤冰如禮大盤廣八尺長一丈百官哭臨殿下是日
 夜下竹使符告郡國二千石諸侯王應劭曰凡與郡
皆以竹箭五枚長五寸鐫刻篆書第一至竹使符到
第五張晏曰符以代古之珪璋從簡易也

皆伏哭盡哀

舊漢制發兵皆以銅虎符其餘竹使而已符第合會為大信

小歛如

禮東園匠考工令奏東園秘器表裏洞赤虞文畫日月鳥龜龍虎連璧偃月牙檜梓宮如故事大歛于兩楹之間五官左右虎賁羽林五將各將所部執虎賁戟屯殿端門陞左右廂中黃門持兵陞殿上夜漏群臣入晝漏上水大鴻臚設九賓隨立殿下謁者引諸侯王立殿下西面北上宗室諸侯四姓小侯在後西面北上治禮引三公就位殿下北面特進次中二千石列侯次二千石六百石博士在後群臣陪位者皆重行西上位定大鴻臚言具謁者以聞皇后東向貴

人公主宗室婦女以次立後皇太子皇子在東西向

皇子少退在南北面皆伏哭大鴻臚傳哭群臣皆哭

三公升自阼階安梓宮內珪璋諸物近臣佐如故事

嗣子哭踊如禮東園匠武士下釘衽截去牙

喪大記曰君蓋

用漆三衽三束鄭注曰衽小翬

太常上太牢奠太官食監中黃門尚

食次奠執事者如禮太常大鴻臚傳哭如儀三公奏

尚書顧命太子即日即天子位于柩前請太子即皇

帝位皇后為皇太后奏可群臣皆出吉服入會如儀

太尉升自阼階當柩御座北面稽首讀冊畢以傳國

玉璽綬東面跪授皇太子即皇帝位中黃門掌兵以

玉貝隋侯珠斬蛇寶劔授太尉告令群臣群臣皆伏
稱萬歲或大赦天下遣使者詔開城門宮門罷屯衛
兵群臣百僚罷入成喪服如禮三公太常如禮故事
百官五日一會臨故吏二千石刺史在京郡國上
計掾史皆五日一會天下吏民發喪臨三日先葬二
日皆旦晡臨既葬釋服無禁嫁娶祠祀佐史以下布
衣冠幘經帶無過三寸臨庭中武吏布幘大冠大司
農出見錢穀給六丈布直以葬喪期依前漢制部刺
史二千石列侯在國者及關內侯宗室長吏及因郵
奉奏諸侯王遣大夫一人奉奏弔臣請驛馬露布奏

可以木爲重高九尺廣容八歷裹以葦席巾門喪帳
皆以簟車皆去輔輜䟽布惡輪走卒皆布構幘太僕
四輪輈爲賓車大練爲屋幙中黃門虎賁各二十人
執紼司空擇土造穿太史卜日謁者二人中謁者僕
射中謁者副將作油緹帳以覆坑方石治黃腸題湊
便房如禮大駕太僕御方相氏黃金四目蒙熊皮玄
衣朱裳執戈揚盾立乘四馬先驅旂之制長三刃十
有二旂曳地畫日月升龍書旒曰天子之柩謁者二
人立乘六馬爲次大駕甘泉鹵簿金根容車蘭臺法
駕喪服大行載飾如金根車皇帝從送如禮太常上

啓奠夜漏二十刻太尉冠長冠衣齋衣乘高車詣殿
止車門外使者到南向立太尉進伏拜受詔太尉詣
南郊未盡九刻大鴻臚設九賓隨立群臣入位太尉
行禮執事皆冠長冠衣齋衣太祝令跪讀謚策太尉
再拜稽首治禮告事畢太尉奉謚策還詣殿端門太
常上祖奠中黃門尚衣奉衣登容根車東園武士載
大行司徒却行道立車前治禮引太尉入就位大行
車西少南東面奉策太史令奉哀策立後太常跪曰
進皇帝進太尉讀謚策藏金匱皇帝次科藏于廟太
史奉哀策箠詣陵太尉旋復公位再拜立哭太常

跪曰哭大鴻臚傳哭十五舉音止哭太常行遣奠皆
如禮請哭上哭如儀晝漏上水請發司徒河南尹先
引車轉太常跪曰請拜送載車著白系參繆音緋長
三十丈大七寸爲輓六行行五十人公卿以下子弟
凡三百人皆素幘委貌冠衣素裳校尉三人皆赤幘
不冠絳科單衣持幢幡候司馬丞爲行首皆銜枚羽
林孤兒巴渝權歌者六十人爲六列鐸司馬八人執
鐸先大鴻臚設九賓隨立陵南羨門道東北面諸侯
王公特進道西北面東上中二千石二千石列侯宜
九賓東北面西上皇帝白布幕素裏夾羨道東西向

如禮容車幄坐羨道西南向車當坐南向中黃門尚
衣奉衣就幄坐車少前太祝進醴獻如禮司徒跪曰
大駕請舍太史令自車南北面讀哀策掌故在後已
哀哭太常跪曰哭大鴻臚傳哭如儀司徒跪曰請就
下位東園武士奉下車司徒跪曰請就下房都導東
園武士奉車入房司徒太史令奉謚哀策東園武士
執事下明器明器神明之也孔子謂為明器知喪道矣備物而不可用也簠八盛
容三升黍一稷一麥一粱一稻一麻一菽一小豆一
甕三容三升醯一醢一脔一脔脔薑桂之脔黍飴載以木桁
桁所以度危覆以疏布鯁二容三升醴一酒一載以
管甕鯁也

木桁覆以功布瓦鐙一彤矢四軒輶中亦短衛彤矢
四骨短衛既夕曰獫狁一乘骨鏃短衛鄭注云獫狁
衛亦行不用生時獫狁金鏃彤弓一卮八牟八豆八
籩八形方酒壺八盤匱一具鄭注既夕曰盤匱盥器也杖几各一
蓋一鐘十六無虞罇四無虞磬十六無虞壎一簫四
笙一箎一祝一敔一瑟六琴一竽一筑一坎侯一千
戈各一箠一甲一冑禮記曰芻靈束芻為人馬謂之芻靈神之類一祝車九乘芻靈三十六匹鄭注
十二容五升匏勺一容一升瓦案九瓦大杯十六容
三升瓦小杯二十容二升瓦飯槃十瓦酒罇二容五

升匏勺二容一升祭服衣送皆畢東園匠曰可哭在房中者皆哭太常大鴻臚請哭止如儀司徒曰百官事畢臣請罷從入房者皆再拜出就位太常導皇帝就贈位司徒跪曰請進贈侍中奉持鴻洞贈玉珪長尺四寸薦以紫巾廣袤各三寸緹裏赤纁周緣贈幣玄三纁二各長尺二寸廣充幅皇帝進跪臨羨道房戶西向手下贈投鴻洞中三東園匠奉封入藏房中太常跪曰皇帝敬再拜請哭大鴻臚傳哭如儀太常跪曰贈事畢皇帝促就位續漢書曰明帝崩司徒鮑昱典喪事葬曰三公入安梓宮還至羨道半途上欲下昱前叩頭言禮天子鴻洞以贈所以重郊廟也陛下奈何冒危險不以義割

哀上容根車游載容衣司徒至便殿並聲苦耕騎皆切從容車玉帳下司徒跪曰請就幄導登尚衣奉衣以次奉器衣物藏於便殿太祝進醴獻凡下用漏十刻禮畢司空將校復土皇帝皇后以下皆去龕服服大紅還宮及廬立主如禮桑木主尺二寸不書謚虞禮畢祔於廟如禮先大駕日游冠衣于諸宮諸殿群臣皆吉服從會如儀皇帝近臣喪服如禮醴大紅服小紅十一升都布練冠醴小紅服織醴織服留黃冠常冠近臣及二千石以下皆服留黃冠百官衣皂每變服從哭詣陵會如儀祭以犧牲不進毛血首司徒光

祿勳備三爵如禮太皇太后皇太后崩司空以特牲
告謚于祖廟如儀長樂太僕少府大長秋長樂宮太
后所居在
西京後漢都洛陽無長樂宮或
是當時便循舊名為太后耳典喪事三公奉制度
他皆如禮儀合葬羨道開通皇帝謁便房太常導至
羨道去杖中常侍受至柩前謁伏哭止如儀辭太常
導出中常侍受杖升車還宮以下及虞立主如禮諸
郊廟祭服皆下便房五時朝服各一襲在陵寢其餘
及宴服皆封以篋笥藏宮殿後閤室永平七年陰太
后崩晏駕詔曰柩將發於殿群臣百官陪位黃門鼓
吹通鳴鐘鼓天子舉哀女侍史官三百人皆著素參

以白索引棺挽歌下殿就車黃門宦者引以出宮省
太后魂車鑿輅青羽蓋駟馬龍旂九旒前有方相鳳
凰車大將軍妻參乘太僕妻御悉導公卿百官如天
子郊鹵簿儀後和熹鄧后葬按以為儀自此皆降損
於前事也魏武帝以禮送終之制襲稱之數繁而無
益俗又過之先自制送終衣服四篋題識其上春秋
冬夏曰有不諱隨時以斂金珥珠玉銅鐵之物一不
得送黃初三年文帝又作終制曰禮國君即位為禭
存不忘亡也壽陵因山為體無封樹無立寢殿無造
園邑此詔藏之宗廟明帝時毛皇后崩未葬詔宜稱

通志禮略四
九
大行議者謂漢天子稱行在所言不常居崩曰大行者不反之謂也未葬未有謚而言大行者為嫌與嗣天子同號至於后崩未葬禮未立后宜無所嫌故漢氏諸后不稱大行謂未葬宜直稱皇后詔曰稱大行者所以別存亡之號故事已然今當稱大行晉尚書問今大行崩含章殿安梓宮宜在何殿博士卞摧楊雍議曰臣子尊其君父必居之以正今太極殿古之路寢梓宮宜在太極殿依周人殯于西階既殯之後別奠下室之饌朝夕轉易諸所應設祭朔望牲用宜所施行按禮具答摧雍議按禮天子日食少牢月朔

太牢喪禮下室之饌如他日宜隨御膳朝夕所常用也朔望則奠用太牢備物又按漢景帝故事施倚廬於九龍殿上東廂今御倚廬為當在太極殿不諸王廬復應何所摧琳議按尚書顧命成王崩康王居于翼室先儒云翼室於路寢今宜在太極殿上諸王宜各於其所居為廬朝夕則就位哭臨東晉成帝咸康七年皇后杜氏崩詔外官五日一入臨內官朝一入而已過葬虞祭禮畢止有司奏大行皇后陵所作凶門栢歷門號顯陽端門詔曰門如所處凶門栢歷大為繁費停之按蔡謨說以二瓦器始死之祭繫於木

禮記卷之四十四
十
裹以葦席置庭中近南名爲重今之凶門是其象也
禮既虞而作主今未葬未有主故以重當之禮稱爲
主道此其義也范堅又曰凶門非禮禮有懸重形似
凶門後人出門外以表喪俗遂行之簿帳即古弔幕
之類也是時又詔曰重壤之下豈宜崇飾陵中唯絜
掃而已有司又奏依舊選公卿以下六品子弟六十
人爲挽郎詔又停之宋崔元凱喪儀云銘旌今之旒
也天子丈二尺皆施跗樹於廣中遣車九乘謂結草
爲馬以泥爲車踈布輶四面有障置壙四角以載遣
奠牢肉斬取骨脛車各載一枚陳永定三年七月武

帝崩尚書左丞庾特云晉宋以來皇帝大行儀注未
祖一日告南郊太廟奏策奉謚梓宮將登輶輅侍中
版奏已稱其謚皇帝遣奠出於陛階下方以此時乃
讀哀策而前代策文猶稱大行皇帝請明加詳正國
子博士知禮儀沈文珂等謂應邵風俗通前帝謚未
定臣子稱大行以別嗣主近檢梁儀自梓宮將登輶
輅版奏皆稱其謚皇帝登輶輅伏尋今祖祭已奉策
謚哀策既在廷遣祭不應猶稱大行且哀策篆書藏
於玄宮請依梁儀以傳無窮詔可唐貞觀九年高祖
崩詔定山陵制度令依漢長陵故事務在崇厚時限

通志卷四
既促功役勞弊祕書監虞世南上封事曰臣聞古之
聖帝明王所以薄葬者非不欲崇高光明珍寶異物
以厚其親然審而言之高墳厚壠珍物必備此適所
以爲親之累也非曰孝也是以深思遠慮安於菲薄
以爲長久萬代之計割其常情以定之耳昔漢成帝
造延昌二陵制度甚厚功費甚多諫議大夫劉向上
書曰孝文居霸陵悽愴悲懷顧謂群臣曰嗟乎以北
山石爲椁用紵絮斷陳漆其間豈可動哉張釋之進
曰使其中有可欲雖錮南山猶有隙使其無可欲雖
無石棺又何戚焉夫死者無終極而國家有廢興釋

之所言爲無窮計也孝文寤焉遂以薄葬又漢氏之
法人君在位三分天下貢賦以一分入山陵武帝歷
年長久比葬陵中不得容物霍光暗於大體奢侈過
度其後至更始之敗赤眉入長安破茂陵取物猶不
能盡無故聚斂百姓爲盜之用甚無謂也魏文帝於
首陽東爲壽陵作終制可謂達於事矣今爲丘壠如
此其內不藏珍寶亦無益也萬代之後人但見高墳
大冢豈謂無金玉也臣之愚計以爲漢文霸陵旣因
山勢雖不起墳自然高敞今之所卜地勢即平不可
不起宜依白虎通所陳周制爲三仞之墳其方中制

度事事減少且臣下除服用三十六日已依霸陵今
為墳壠又以長陵為法非所依也伏願深覽古今為
長久之慮書奏不報虞世南又上疏曰漢家即位之
初便營陵墓近者十餘歲遠者十五年方始成就今
以數月之間而造數十年事其於人力亦以勞矣漢
家大郡五十萬戶即目人衆未及往時而工役與之
一等此臣所致疑也又公卿上奏請遵遺詔務從節
儉於是山陵制度頗有減省

喪期

易云古者喪期無數

賈公彥曰此黃帝時也是其心喪終身也

虞書稱三

載四海遏密八音

按唐虞雖行心喪更三

商高宗諒

闇三年不言檀弓云子張問曰書云高宗三年不言

言乃謹有諸仲尼曰胡為其不然也古者天子崩王

世子聽於冢宰周武王崩成王十三而嗣立周公居

冢宰攝政明年六月既葬周公冠成王而朝于祖以

見諸侯漢文帝遺制革三年之喪其令天下吏民令

到出臨三日皆釋服殿中當臨者皆以旦夕各十五

舉音禮畢而罷非旦夕臨時禁無得擅哭臨服大紅

十五日小紅十四日織七日釋服

此喪制者文帝自率已意創而為之

非有取於周禮也

他不在令中者皆以此令比類從事布告

天下使明知朕意喪期之制自後遵之不改成帝時
丞相翟方進母終既葬三十六日除服視事自以為
身備漢相不敢踰國典然而原涉行父喪三年名彰
天下河間惠王行母喪三年詔書褒稱以為宗室儀
表是則喪制三年能行者貴之矣及平帝崩王莽欲
眩惑天下示忠孝使吏六百石已上皆服喪三年
母莽
死但服天子弔諸侯之服一弔再會而已令子新都
侯宗服喪三年及元后崩莽返自服三年顛倒姦謬
此若後漢安帝初長吏多避事棄官乃令自非父母服
不得去職是後吏又守職居官不行三年喪服矣建
光元年尚書孟布奏宜復如建元末平故事絕刺史

二千石告寧及父母喪服又從之至桓帝末興二年
復令刺史二千石行三年服末壽二年又使中常侍
已下行三年服至延熹元年又皆絕之魏武帝遺令
葬畢便除服文帝崩國內服三日
蜀劉備臣下發喪
復如禮此則魏蜀又異於漢也吳孫權令諸有居任
者遺三年之喪皆須交代犯者定大辟之科又使代
未至不得告告者抵罪其後吳令孟仁聞喪
輒去陸遜陳其素行得減死一等自此遂減
晉武帝
泰始元年詔諸將吏二千石以下遭三年喪者聽歸
終寧庶人復除徭役二年帝遵漢魏改葬除服
按文帝
魏公咸熙二年八月辛卯崩九月癸酉葬
武帝以十二月丙寅受魏禪改元泰始
猶深衣素
冠服降席撤膳遂以此禮終三年後居太后之喪亦

通志禮略四

十一

如文帝之崩也東晉康帝建元元年正月晦成恭杜
皇后周忌有司奏至尊周年應改服詔曰君親名教
之重也權制出於近代耳於是素服如舊興寧元年
章皇太妃薨哀帝欲服重江彪啓先王制禮應在總
麻服詔降周彪又啓厭屈私情所以上嚴祖考於是
制總麻三月孝武寧康中崇德太后褚氏崩后於帝
爲從嫂或疑其服博士徐藻議以禮其夫屬父道者
妻皆母道則夫屬君道妻亦后道矣服后宜以資母
之義於是帝制周服安帝隆安四年太后李氏崩帝
服齊線三年百僚疑所制服尚書左僕射何澄等議

太皇太后名位允正體同皇極理制備盡情禮合伸
春秋之義母以子貴既稱夫人禮服宜從正故成風
著夫人之號僖公服之三年子於父之所生體尊義
重且禮祖不厭孫固宜遂服無屈而緣情立制嫌文
不明則宜從重應同爲祖母後齊線周末安皇后無
服但一舉哀百官亦一周詔可於西堂設菰廬神武
門施凶門栢歷宋末初二年武帝崩蕭太后制三年
之服文帝元嘉十七年七月元皇后崩兼司徒給事
中劉溫持節監喪神武門設凶門栢歷至西上閣皇
太子於東宮崇正殿及永福省並設廬諸皇子未有

府第者於西廡設廬太子心喪三年心喪有禫無禫
禮無成文世或兩行皇太子心喪畢詔使博議有司
奏喪禮有禫以祥變有漸不宜便除心喪已經十三
月大祥十五日宣下以爲永制詔可後魏自道武及
諸帝悉依漢魏既葬公除後周武帝母叱奴太后崩
帝居倚廬朝夕供一溢米群臣表請累旬乃止及葬
帝袒跣陵所行三年之制五服內並依禮隋制皇帝
本服大功以上親及外祖父母皇后父母諸官正一
品喪帝不視事三日本服五服內親百官正二品已
上喪並一舉哀太陽虧國忌日本服小功總麻親百

官三品已上舉哀不視事一日皇太后皇后爲本服
五服內親一舉哀皇太子爲本服五服內親及東宮
三師三少宮臣三品已上一舉哀唐元陵遺制其喪
儀及山陵制度務從儉約並不以金銀錦綵飾天下
節度觀察團練使刺史等並不須赴哀祀祭之禮亦
從節儉其天下人吏勅到後出臨三日皆釋服無禁
婚娶祠祀酒肉其宮殿中當臨者朝夕各十五舉音
禮固從宜喪不可久皇帝宜三日聽政十三日小祥
二十五日大祥二十七日而釋服皇帝本服周者凡
三朝哭而止本服大功者晡哭而止本服小功以下

一舉哀而止本服大臣服

天子弔大臣服

周制司服職掌王之吉凶衣服王為三公六卿錫纁為諸侯總纁為大夫士疑纁其首服皆弁經魏蔣濟奏會喪不宜去冠奏事者上言前會故鎮軍朱鑠喪自卿以下皆去冠以布巾帕額使者侍中散騎則不皆非舊法夫冠成德之表於服為尊唯君親之喪小歛之前與服罪之人去冠其餘禮儀雖齊纁之痛有變無廢今為弔去冠其違禮意下博士杜布議以為論語曰羔裘玄冠不以弔故周人玄冠代以素弁漢

去玄冠代以布巾亦王者相變之儀未必獨非也古禮野夫著巾古者軍禮韋弁冠今者赤幘此明轉相變易不可悉還及古今宜因漢氏故事又按漢儀注諸侯王薨天子遣使者往皆言使者素服又禮自天子下達于士臨殯歛之事去玄冠以素弁君子臨喪必有哀素之心是以去玄冠代之以素是以漢中興臨喪之事與禮合自是之後或言臨喪使者常吉服布巾以為使者亦宜去玄冠代以布巾示不純吉服侍中散騎諸會喪亦宜去玄冠代以布巾詔從布議

蜀謝慈喪服圖天子弔三公弁經錫纁弔大夫士皆弁經疑纁弔畿內諸侯弁經總纁服晉摯虞

云凡使弔祭同姓者素冠幘白練深衣器用皆素異
姓者服色器用皆不變唐之制如開元禮

天子爲大臣及諸親舉哀

後漢明帝時東海恭王薨帝出幸津門亭發哀魏大
司馬曹真薨王肅爲舉哀表云在禮大臣之喪天子
臨弔諸侯之薨又庭哭焉同姓之臣崇於異姓自秦
逮漢多闕不修暨光武頗遵其禮于時群臣莫不兢
勸博士范升上疏稱揚以爲羨可依舊禮臣位而哭
之敦睦宗族於是帝幸城東張帳而哭之及鍾太傅
薨又臨弔焉晉武帝咸寧二年詔諸王公大臣薨應

三朝發哀者踰月舉樂其一朝發哀者三日不舉樂
按摯虞決疑注云國家爲同姓王公妃主發哀於東
堂爲異姓公侯都督發哀於朝堂東晉元帝姨廣昌
君喪未葬中丞熊遠表云按禮君於卿大夫比葬不
食肉比卒哭不舉樂惻隱之心未忍行吉事故也被
尚書符冬至二日小會臣以爲廣昌君喪未殯聖恩
垂悼禮大夫死廢一時之祭祭猶可廢而况餘事冬
至唯可奉賀而已未便小會詔以遠表示賀循循荅
云按古者君臣義重雖以至尊之義降而無服三月
之內猶錫縗以居不接吉事故春秋晉大夫智悼子

未葬平公作樂杜蕢譏之咸寧詔書宜爲定制唐之制如開元儀

諸侯及公卿大夫爲天子服

周制喪服斬縗章諸侯爲天子天子至尊也漢戴德喪服變除云臣爲君笄纚不徒跣始死深衣素冠其餘與子爲父同鄭玄變除云臣爲君不笄纚不徒跣張祖高問士服天王云何要記唯道大夫服君及家臣服大夫耳不說士恐有脫誤鄭云士服君亦斬縗無明文而雜記云士居聖室此則士制周制士下吏服士恐亦應同謝沈荅曰朝廷之士服天王斬縗禮

之明文也邑宰外任之士居聖室周制要記非脫誤是簡略耳晉尚書問天子崩于今臺書令史以上爲皆服斬縗之服不博士卞推應琳議禮命士以上皆服斬臺書令史列職天朝皆應服斬又問天子崩今司州及河南郡吏出入導從應易服制不卞推荅禮庶人在官者服齊衰三月又近臣服斬導從出入皆應從服又問服隨君輕重今司隸服斬下吏服齊爲合禮意不推荅凡臣從君皆降一等今之牧守皆古諸侯以禮相况輕重宜矣又問禮義服不從今司隸爲君輕縗義服也下吏爲從不每降一等當爲君喪

通志禮四
其親者耳古今行事復云何摧荅禮庶人爲國君齊
今則不服然吏若都官從士有職司於喪庭者故宜
依庶人在官義耳義服不從謂近臣服君斬服之衰
依降一等者之差耳前稱黨從指謂近臣魏晉故事
云又問諸二千石長吏見在京城皆應制服不博士
下摧楊雍應琳等上云禮臣爲君斬衰自士以上見
在官者皆應制服唐元陵遺詔天下人吏勅到後三
日釋服伏以公卿百僚不同人吏準禮臣爲君服斬
衰三年按高宗實錄昭陵臣下喪服皆準漢文帝故
事三十六日又按高宗崩服紀輕重亦依太宗故事

中宗睿宗時臣下喪制並所遵守據禮及故事今百
官並合準遺詔二十七日釋服其小祥內百官並無
假日每日平明詣延英門進名起居不入正衙至臨
時赴西內哭訖各歸至小祥日去首經著巾冠其日
早集於西內哭望日及大祥又赴西內哭大祥日除
衰冠杖等服慘公服至山陵時却服本衰服事畢除
之

皇太后長公主及三夫人已下爲天子服杖
魏晉故事問皇太后三夫人已下皆服斬諸長公主
及諸居崇陽園循容服制之宜下摧等議按禮與諸

通志禮略四
侯爲兄弟者服斬依禮則公主宜服斬而不杖禮君
夫人爲長子三年妾爲君之嫡子與夫人同則崇陽
園循容宜三年又問太后及公主應杖不杖推應琳
議禮爲夫杖自天子達皇太后應杖明矣婦爲舅姑
禮無杖文皇后不應杖也君之喪夫人世婦在次則
杖即位則使人執之如禮三夫人已下皆杖東晉太
元二十一年孝武帝崩李太后制三年之服宋末初
三年武帝崩蕭太后制三年之服至唐天寶七載五
月宗正卿褒信王璆奏皇妹及女準禮出嫁後各降
本親一等今並降爲第二等臣以爲執禮故親有虧

常典伏請一切依服屬等第爲定不在降服限乃請
求爲常式奉勅依

挽歌

魯哀公十一年吳子伐齊將戰齊將公孫夏命其徒
歌虞嬪孔穎達曰虞嬪者謂啓嬪將
虞之歌也今人謂之挽歌漢高帝時齊王
田橫自殺其故吏不敢哭泣但隨柩叙哀而後代相
承以爲挽歌蓋因於古也晉成帝咸康七年有司聞
奏依舊選公卿以下六品子弟六十人爲挽郎詔又
停之摯虞云漢魏故事大喪及大臣之喪執紼者挽
歌新禮以爲挽歌出於漢武帝役人之勞歌聲哀切

遂以為送終之禮雖音曲悽愴非經典所制不宜以歌為名按挽歌傳稱君子作歌惟以告哀以歌為名亦無所嫌宜定新禮如舊宋文帝元嘉十七年元皇后崩詔停選挽郎唐元陵之制屬三繆練紼於輶車為挽凡六紼各長三十丈圍七寸執紼挽士虎賁千人皆白布袴褶白布介幘分為兩番挽郎二百人皆服白布深衣白布介幘助之挽兩邊各一紼挽歌二部各六十四人八人為列執翬品官左右各六人皆服白布構衣白布介幘左右司馬各八人皆戴白布武弁服白襦布襦音屬謂襦長無領緣並執鐸代哭百五

十人衣幘與挽歌同至時有司引列於輶車之前後其百官制鴻臚寺司儀署令掌挽歌三品以上六行三十人六品以上四行十六人皆白練構衣皆執繹幘

秀孝為舉將服

魏景元元年傅玄舉將僕射陳公薨以諮時賢光祿鄭小同云宜準禮而以情義斷之服弔服加麻可也三月除之司徒鄭公云昔王司徒為諫議大夫遭舉將喪雖有不反服今不同古便制齊衰三月漢代名臣皆然宋庾蔚之謂白衣舉秀孝既未為吏故不宜

有舊君之服尊卑不同則無正服弔服加麻可也今人爲守相刺史又無服但身蒙舉達恩深於常謂宜如鄭小同弔服加麻爲允今已違適爲異與舊君不同議論不奔弔故郡將喪

郡縣吏爲守令服

魏令曰官長卒官者吏皆齊衰葬訖而除之

蜀譙周云大夫

受畿內采邑有家臣雖又別典鄉遂之事其下屬皆上相屬其吏非臣也秦漢無服采邑之家臣郡縣吏權假斬衰代至則除之 晉喪葬令曰長吏卒官吏皆齊衰以喪

服理事若代者至皆除之武昌太守徐彥與征西桓溫牋云蔡徐州薨主簿服斬王征北薨於京都王丞

相時在喪庭徐州主簿以服事諮公公謂輕重可依蔡侯時北中郎劉公薨於淮陰州主簿相承持重至邳太宰薨州主簿改服齊衰中興以來江南皆從之公卿以下至邑宰吏服其君齊衰吏服其君齊衰則無從服之文而由來多有從服者陶大司馬遭兄子喪府州主簿從服時卞光祿經過自說爲太傅主簿太傅喪母已不從服此是用晉令也邳太宰遭姊喪吏服惟疑邳問譙秀言不應從服諸主簿仍便從服旣服君旁親則服君便應重矣及二公之薨府州主簿服齊衰宋庾蔚之謂晉令云代至而除施之州郡

縣員吏宜用齊周之制禮代殊事異理有大斷今州府之君既不久居其位暫求之吏不得以為純臣則齊周之制不為輕也君齊矣豈有從乎母妻其猶不從本無義於傍親卞光祿所行是也二公使吏從服姪姊可謂踈罔其乖遠矣

師弟子相為服

魏王肅曰禮師弟子無服以弔服加麻臨之哭之於寢凡弔服加麻者三月除之晉賀循謂如朋友之禮異者雖出行猶經所以尊師也按禮記夫子之喪門人疑所服子貢曰昔夫子喪顏回若喪子而無服請喪夫子若喪

父而無服於是門人廬于墓所心喪三年蓋師徒之恩重也無服者謂無正喪之服也孔子之喪二三子皆經而出注曰為師也然則凡弔服加麻者出則變服矣新禮弟子為師齊衰三月摯虞駁曰仲尼聖師止弔服加麻心喪三年淺教之師暫學之徒不可皆為之服或有廢興悔吝生焉宜定新禮無服如舊范甯問曰奔喪禮師哭於廟門外孔子曰師吾哭之寢何邪徐邈答曰蓋殷周禮異也宋庾蔚之謂今受業於先生者皆不執弟子之禮惟師氏之官王命所置故諸王之敬師國子生之服祭酒猶粗依古禮弔服

加麻既葬除之但不心喪三年耳
朋友相為服



周制檀弓云曾子曰朋友之墓有宿草而不哭焉又
曰朋友吾哭寢門之外漢戴德云以朋友有同道之
恩加麻三月魏劉德議問曰小記云朋友虞祔而已
此謂主幼而為虞祔也若都無主族神不歆非類當
為虞祔不田瓊答曰虞安神也祔以死者祔於祖也
既朋友恩舊歡愛固當安之祔之然後義備也但後
日不當祭之耳又問朋友無所歸於我殯若此者當
迎彼還已館皆當停柩於何所答曰朋友無所歸故

呼而殯之不謂已殯迎之也於已館而殯之者殯之
而已不於西階也晉曹述初問有仁人義士矜幼携
養積年為之制服當無疑耳徐邈答曰禮緣情耳同
爨總又朋友麻

禮略第四

通志禮略四

享和樂



Vertical columns of text, including a large blacked-out area on the right side.

望月氏藏

望月氏藏

Faint red text on the left page.





